

D. HENRICI Sincens
ICTI FAMIGERATISSIMI ET AN-
TECESSORIS ALTDORFFINI
TRACTATIO

DE

JURIBUS
EXULUM,

GERMANICE,



Von denen Rechten

derer Exulanten,

PROPTER MATERIÆ DIGNITATEM
ET SOLIDITATEM RECUSA.

FRANCOFVRTI & LIPSIAE.

M D CC XXVII.

APUD

JOHANNEM MARTINVM BVRGMANNVN.

THE UNIVERSITY OF CHICAGO
LIBRARY

QUARTERLY
JOURNAL OF
ECONOMICS

Vol. 1, No. 1, 1925

Published by the University of Chicago Press
Chicago, Illinois

PARS PRIOR.

Exilium tum ingenere, tum etiam in specie
vituperabile exhibet.

THES. I.

DE Juribus Exulium pro instituti mei ratione impræsentia-
rum acturus, inanem omnino suscipere in laborem, si mi-
serrimam illorum conditionem prolixiore filo deducere
satagerem. Neque enim quempiam repertum iri reor,
qui exilium, flebile illud remedium, si ob falsum crimen imponatur, gra-
vem injuriam, sin ob verum, atrocem pœnam esse diffiteri audeat. Imo
vero optime sensisse mihi videtur, qui id morte gravius cum Philone
Judæo de Abrahamo judicaverit. Quid enim homini, glebæ suæ ut
plurimum addic-
to, acerbius aut molestius accidere poterit, quam si pa-
triam cum bonis linquere cogatur, & quod doloris plenum dixeris, in-
dignus judicetur, cui incivitate locus amplius concedatur. Unde E-
xilium paupertas & summa comitatur miseria, quæ homines sæpissi-
me ita excruciat, ut in præsentissimæ mortis incidant pericula, quod as-
sertum, licet allegationibus non egeat, utpote experientia sufficienter
comprobatum, nihilominus a Barolo ad l. si constante 24. ff. solus
matrim. n. 21. hoc modo demonstratur: *Bannito & exuli necesse est
peregrinari, quæ peregrinatio inducit ipsum ad paupertatem &
demum ad mortem.* Consentit Ægia, Boss. in Pract. Crim. tit.
de carcer fidejuss. comm. n. 7.

II.

Atque ex his jam facili negotio quæstio præjudicialis resolvi
potest: *An exilium sit supplicium, an perfugium tantum & portus
supplicii?* Posterius quidem affirmat Cicer. pro A. Caciæ, inquires:
*Exilium non supplicium est, sed perfugium portusque supplicii: Nam
qui volunt pœnam aliquam subterfugere, aut calamitatem, eo so-
lum vertunt, hoc est, sedem ac locum mutant. Itaque nulla in lege
nostra reperietur, ut apud ceteras civitates, maleficium ullum exi-*

lio esse multatum, sed cum homines vincula, necesse ignominiasque vi-
rant, quae sunt legibus constituta, confugiunt quasi ad aram & in
exilium. Prius asseritur in l. 5. ff. de interd. & relig. & l. 7. §.
f. ff. ad L. Jul. repet. Unde Dd. concludunt, quod perpetuum exili-
um cum bonorum confiscatione conjunctum in Jure par & æquale ha-
bendum sit cum civili morte, imo, quod proximum sit morti naturali. §.
cum autem l. junct. Gloss. in verb. mortuo ibique Angel. Aret. J.
quib. mod. jus patr. potest. solv. l. 1. §. filium 8. in fin. ff. de bon.
possess. contr. tab. Bald. in l. Deo nobis 56. C. de Episc. & Cler. n.
8. Jodoc. Damboud. in Prax. Rer. Crimin. c. 56. n. 3. & 4. Nos
distinctione rem expedire conabimur, separando scilicet Statum Reip.
Romanæ anteriorem a postremis temporibus. Olim quidem ex pecu-
liari ratione Juris Rom. non poterat in vito civitas adimi, quod luculen-
to confirmat testimonio Cicer. pro domo sua: Hoc Juris, inquit,
et majoribus proditum esse, ut nemo civis Romanus civitatem pos-
sit amittere, nisi ipse autor factus sit. Quo minus quoque a Magistra-
tibus togatis civi capitalia supplicia injussu populi irrogarentur, leges
Porciæ aliæque prohibebant. Ne tamen delicta nocentium hoc modo
impunita manerent, nemoque invitatus civitate ejectus videretur, volue-
runt credi, exilium sponte a civibus suscipi, declinandæ poenæ causa.
Hinc apud Sallust. de conjur. Caesar. Lex Porcia aliæque leges condem-
natis civibus non vitam eripiunt, sed exilium permittunt. Hotom. in
Comm. verb. Jur. voc. Exilium. Calvin. in Lex. Jurid. ad id. voc.
Quia tamen necessitatem solum vertendi eo ipso satis innuebant, dum
capitalium criminum damnatis aqua & igni interdicebant, nè iis intradi-
tionem Populi Romani uterentur, ideoque posterioribus temporibus, exo-
lescente aquæ & ignis interdictione, exilium inter poenarum genera re-
cenferi coepit, de quibus intelligendæ sunt allegatæ II. Licet enim iis,
quibus aqua & igni interdicebatur, aperte nec vita ablata, nec civitas qui-
dem (quia nulla exilii mentione facta hæc poena irrogabatur) adepta
fuerit, tacite tamen morte quodammodo multabantur, vique ipsa ex-
pellebantur civitate, cum solo aere vivere aut tegi non possent, nec fas
esset, eos aut tecto recipere, aut aqua & igni, cæterisque ad vitam neces-
sariis juvare, ut ex ead. orat. Cicer. pro domo sua liquet. Pufend.
de J. N. & Gent. l. 8. t. II. §. 7. Vinn. ad §. 2. J. de cap. demin.

n. 1. *Anton. Matth. de Crim. ad libr. 48. ff. tit. 17. de pœn. n. 6.*
Aliter Perez. ad Cod. tit. de his, qui in exilium dat. hoc explicat,
 exilium scilicet quandoque pœnz locum subire, quandoque etiam, ut
 quis supplicii vitandi causa solum tantum mutet, constitui. Sed qua-
 lis exilium sit pœna, controvertitur: *Felw. ad t. qualiter 24. §. ad*
corrigendos X. de accus. n. 13. refert ad pœnas capitales, cui suffra-
 gatur *Ægid. Boff. in tract. crimin. tit. de carcer sive juss. comm. n.*
7. ubi quidem asserit, quod exilium sit pœna capitalis, negat tamen quod
 sit corporalis, ex illa ratione, quia non adiimit caput naturæ, nisi quis
 dicat, quod exilium etiam propter mœrorem affligat corpus. Quæ o-
 mnia in exilio proprie sic dicto, deportatione sc. juxta expressam dispo-
 sitionem *§. 2. Inst. de publ. jud. & l. 2. ff. eod.* procedunt: Quate-
 nus vero exilium latius sumitur, ut relegationem comprehendat, eate-
 nus recte quoque ad pœnas non capitales & civiles referri potest. Vid.
Carpzov. p. 3. Prax. Crim. q. 130. n. 13. & Meier in Colleg. Ar-
gentor. tit. de pœn. lib. 5. ubi dissentientibus, qui relegationem inter
 capitales pœnas referunt, respondet, pariterque obstantem *l. 12. §. 4. ff.*
de accus. resolvit.

III.

Antequam vero Jura Exulum penitus introspeciamus, illas adhuc
 præmittendas esse duximus quæstiones: Num (1) *Respublica vel su-*
perior civem juxta principia Juris Moralit licite expellere possit?
 Quod affirmamus, dummodo tale crimen a cive sit commissum, quod
 expulsionem meretur. Delinquens enim naturaliter se facit subjectum
 omnibus hominibus, adeoque etiam pœnz ex delicto, seu fonte suo,
 promananti, quæ deinceps a Judice, qui ad supplicii irrogationem per
 modum necessarij tenetur, circumstantiis rite expensis, determinatur.
 Suadet id etiam publicæ salutis ratio, quæ per malitiosos & enormes le-
 gum transgressores nimium quantum turbatur. Sicut itaque ad corpo-
 rum salutem Medici pravorum humores & putrida membra remove-
 rent, longe satius esse ducentes, si abjiciantur, quam si retenta totum cor-
 pus perturbent; Ita Magistratus officij sui partes egregie implet, si per-
 niciosum & putridum membrum resecat, ne universum Reipublicæ
 corpus contagio suo inficiat. Quare cum ipse etiam Jehova Adamum
 exulare jussit, dum illum criminis convictum e Paradiso eiecit, *Gen. 3.*

vers. 24. atque Caino fratricidæ eandem pœnam inflixerit *Gen. 4. v. 16.* omnino clarius constat, licere Magistratibus Christianis hoc pœnæ genere uti. *Reinking. de R. S. & Eccles. lib. 2. class. 1. c. 8. n. 15.*

IV.

Sed an (2) *Reipublica hoc pœnæ genus conducatur*, majoris momenti quæstio est? Rationes sane firmissimæ sunt, quæ usum ipsius impedire videntur. Primo namque talis semper eligenda est pœna, quæ vel meliorem reddit illum, qui plectitur, vel saltem alios a peccatis deterret, quod ipsum pœnarum finis satis innuit, qui in eo consistit, ut delicta propter mandatum Dei ad publicam tranquillitatem conservandam puniantur, iive emendentur formidine pœnæ, qui virtutis amore a scelere abduci nequeunt. *l. 20. l. 28. §. 15. ff. de pœn. Colleg. Argent. ad tit. de pœn. thes. 19.* Sed vero neutrum præstare videtur exilium. Qui enim ex urbe vel provincia pelluntur, propterea meliores non redduntur, quin potius deteriores ut plurimum fiunt, existimantes, licet ab hoc vel illo loco discesserint, alibi tamen Solem & Lunam æque conspici. Hinc cum Philosopho quidam objiceretur, quod exularet, se civem mundi esse respondit. Præterea exules ut plurimum hostes patriæ evadunt, atque ex odio adversus eam concepto se hostibus istius associant, quod eo periculosius, quia arcana Civitatis & Reipublicæ, ex qua pelluntur, propalare, hostibusque patriam invadendi occasionem ostendere possunt. Accedit quod charitati Christianæ hoc ipsum adversari videatur, si provincia vel urbs sceleratis hominibus ita se exoneret, ut alias ditiones iisdem oneret. Quemadmodum enim civem peste infectum ad aliam mittere civitatem injustum non minus quam inhumanum est; Ita quoque de animi vitis multo magis id dicendum venit. *Reink. de R. S. & E. cit. loc. n. 10. & seq.* Præterea Petro Martyri propterea hic puniendi modus displicuit, quod reus exulare cogatur apud eos, qui ipsum vel quoad religionem vel etiam quoad mores facile deteriorem reddere possunt.

V.

Verum an hæ rationes tanti ponderis sint, ut universaliter procedant, & exilii pœnam in totum excludant, hoc est, de quo dubitamus. Nam quod Martyris dubium attinet, quoad religionem libenter assentimur, non esse mittendum reum in exilium ad Turcas & Mahumetanos, ubi præsentissimum periculum fidei Christianæ adest. Verum quod mores attinet, judici nihil imputari potest, si exules indies mores in deterius

rius mutant; Alioquin nec in metallum, nec in opus publicum, ad pistrinum aut triremes salva conscientia reum damnare posset, quoniam loca illa plerumque malorum hominum quasi quædam sentinæ sunt. *Ant. Matth. ad lib. 48. ff. tit. 20. cap. 1. n. 7.* Cæteroquin reliqua dubia illud evincunt, quod cautela circa hanc pœnam adhibenda sit, ne illi ejiciantur, qui in absentia magis officere, quam proficere possunt; Interim tamen non statim hoc inducunt, quod neutiquam sint ejiciendi illi, quos, si absint, cognoscimus fore magis utiles, quam in civitatibus; quales sunt homines plebejæ sortis, quibus arcana Civitatis parum cognita sunt, vel etiam illi, a quibus Reipublicæ nullum imminet periculum; Et hos præcipue iste relegandi modus, qui in Germania aliisve locis passim receptus est, concernit. Neque hoc modo alteri provincie ulla infertur injuria, cum in arbitrio Superiorum sit, an ejusmodi hominem, emendationem vitæ promittentem, tolerare, an vero iterum ejicere velint, præcipue juxta mores hodiernos, secundum quos nemo in numerum civium adsciscitur, nisi vitæ suæ discessusq; documentum a Magistratu priori exhibeat. *Dn. Struv. Ex. 50. th. 50. Med. ad Jus Lub. l. 1. t. 2. art. 2. n. 47. 63. & seq.* Quod si vero delinquentes talis sint conditionis, ut Reipublicæ in absentia magis obesse queant, exilium in Republica ita temperari debet, ne exules ad alios mittantur, apud quos malitiæ suæ patrociniū invenire possint, sed ut certis locis intra fines ditionis Magistratui releganti subjectæ includantur, ibidemq; sub severa inspectione contineantur. Sic in Saxonie Electoratu frequentissimum est, ut tales personæ mittantur *auf den Bau*. Alibi condemnantur in metallum vel opus publicum, ita ad triremes, hoc enim modo facilius coereentur delinquentes, & prout facinora eorum vel graviora vel leviora sunt, duriora etiam vel commodiora ipsis assignantur loca & opera. Horum operum publicorum (quæ etiam de jure civili non incognita sunt, *ut ex l. ult. de effractor. patet. Add. Vinn. ad d. 3. Inst. quib. mod. jus patr. pot. solv.* ubi differentiam inter eos, qui in metallum, & qui in opus publicum damnantur, proponit) hodie ubivis extant vestigia, pœnæque ejusmodi frequentatur tam in territoriis Principum, quam Civitatibus Imperialibus, ubi homines, qui flagitiosam quidem degunt vitam, tam atrox tamen delictum non commiserunt, ut graviore quadam pœna corpus affligi possit, istius modi operibus publicis destinantur, ibidemque vel temporalibus vel perpetuis vinculis & compedibus constricti, operi faci-

faciundo mancipantur. *J. Met. in Coll. Argent. cit. de pen. tb. 3. Anton. Masth. de crim. cit. l. tit. 20. c. 3. n. 9.* Referri huc etiam potest usitatus ille, Reique publicæ non inutilis exilii modus, quo facinorosi ad fines Imperii & loca periculosa mittuntur, ut cum Turca cæterisq; hostibus pugnent: *Der Thäter wird eine gewiss: Anzahl Jahre wider den Erbfeind zu ziehen und zu dienen, oder auff das äusserste Gränzhauß sich zu begeben verurtheilet. Reink. cit. loc. n. 25.*

VI.

Recte proinde Judicis discreti arbitrio committur, quo exilii genere pro diversa delinquentis ratione uti velit. Hinc non inconcione tradit *Damhoud. in Pr. Crim. c. 58. n. 1. & seq.* exilii triplicem esse rationem: Aliam, quæ extra civitatem pellit, alteram, quæ intra civitatem coarctat, tertiam, quæ in certo & constituto loco hominem adstringit. Intra civitatem continemus eos, quorum absentia magis obest, quam præsentia, Extra civitatem exilio damnamus illos, quos absentes cognoscimus fore magis utiles, quam in civitatibus. In constitutis locis exilio arctamus eos, quos nolumus errabundos per diversas vagari regiones, proptereaue vel Lex vel Magistratus ipsis exilii locum designat, velut in Cypro, in Rhodo. Hungaria aliisque locis, ut ibi permaneant, neque limites transiliant, Atque huc spectat exilium, per quod ad præsidia limitanea delinquentes mittuntur. *Add. Bartol. ad L. Relegatorum §. 5. est quoddam genus 5. ff. de interd. & releg. Bald. ad l. Executorem §. C. de exec. rei jud. n. 33.*

VII.

Quod si vero nullum intercefferit crimen, vel etiam plures sint, quorum expulsio Reipublicæ magnum infert damnum, tunc ex mente accuratiorum Politicorum melius esse putamus, cives alio modo puniri, quam infelici successu civitate ejici. Sicut enim civitas pro arbitrio suo, nullo interveniente delicto, civem invitum expellere nequit, quod Cicer. inter fundamenta libertatis posuit, *Pufendorf. d. lib. 8. c. 11. §. 6. Mer. ad Jus Lub. lib. 1. tit. 2. art. 2. n. 79.* (qui enim in civitatem quandam se recipit, omnes utique rationes suas ad minimum impræsens ei ita illigat, ut plane odiosum sit, easdem quolibet tempore vel turbare, vel per expulsionem evertere, cum civis a civitate velut stipulari intelligatur, ne invitus præter meritum ejiciatur, præcipue quia Juris universalis, quod apud omnes obsinet, est, eum, qui sub conditione quicquam recepit,

cepit, ad præstandam conditionem recepto annexam omnino teneri.
Robert. Scharroek, de offic. secund. Jus natur. c. 4. de fid. servand.
n. 7.) ita quoque cum Reipubl. interfit, hominibus repleri civitatem,
 conducibilis esse videtur, illos, qui ex causa quadam ejici poterant, tole-
 rare, si modo quiete vivant, quam expellendo hominum penuriam in-
 troducere, sicque Rempublicam desolatam reddere. Luculentum hujus
 rei exemplum se nobis offert in Hispania, quæ licet ingens spatium am-
 bitu suo complectatur, maximam tamen partem inculta ac desolata ja-
 cet, cujus defectus causam Historici multiq; Juris Publici Doctores Mau-
 rorum ejectioni adscribere non dubitant. Equidem non desunt, qui hanc
 proscriptionem acriter defendunt ex eo fundamento, quod timendum
 fuerit, ne sub specie Religionis aliquid monstri alerent, conjunctisque
 viribus universam Hispaniam sub potestatem suam redigere conarentur,
 adeoque desolatum potius, quam dissolutum regnum fuisse optandum.
 Sed vero, an prætextus religionis expulsionem huic sufficientem præbuerit
 causam, cum aliis non immerito ambigimus, hancque litem, utpote a
 proposito nostro alienam, nostram hac vice non facimus. Vid. interim
Horn. in Orb. Polit. part. 1. cap. 3. de Regn. Hispan. can. 8. §. 2. &
illustris nostris avi Politicus Dn. Conring. in Colleg. Manuscript. de
Rebus publ. ad Regn. Hispan. Similiter Judæos tolerandos potius
 quam ejiciendos esse, tradit *Reink. de R. S. & Eccles. l. 2. class. 2. c. 3.*
n. 14. 41. & 47. it. Limn. de Jur. Publ. l. 3. c. 2. n. 16. ac seq. facit
bactext. in l. Christianis G. C. de Pagan. & Sacrif. ubi Judæorum,
 quiete & pacifice viventium turbatio expresse est prohibita. Add. *buj.*
Dissert. p. 2. tb. 4. ubi plura huc facientia proponuntur.

VIII.

Missis hisce quæstionibus præliminaribus ad rem ipsam nos accin-
 gimus; Id vero negotii ne illotis, quod ajunt, manibus aggrediamur, o-
 peræ pretium erit, nominalia Exilii extremis saltem digitis attingere.
 Etymon ergo quod spectat, exilium ab *ex & solum* compositum esse,
Festus Non. & Servius testantur. Consentit *Lucas de Penna*, cui in
l. Lenones C. de Spect. & Scan. dicitur ab *extra & solo*, quia facit ex-
 ulare extra solum, id est, locum patriæ vel domicilii &, ut dixit *Seneca*
de Consolat. ad Helviam matr. Exilium loci commutatio est, quam
 hæc sequuntur incommoda, paupertas, ignominia & contemptus. Hinc
 Exules

Exules dicuntur *solopatria sua pulsi, it. qui sunt extra solum, vel qui quasi trans solum missi, aut extra solum vagi sunt, it. qui extra solum suum habitant.* Quicumque ergo sive sua sponte, sive poenae ac ignominiae causa extra solum suum constituti sunt, exules vocantur. *Hotom. in Comm. verb. Jur. ad hoc voc. Brissou. de V. S. lib. 5. sub. voc. exul. ibiq; cit. Quintilian.* Quemadmodum vero exilium variis nominibus in Jure nostro venit, ita etiam exules non una appellatione gaudent, utpote qui profugi quoque hinc inde dicuntur, imo ipsum exilium fuga nuncupatur in *l. 4. §. ad tempus 4. ff. de re milit. & in l. 5. ff. de interd. & releg. vid. Brissou, lib. 6. de V. S. sub voc. fuga.* Quamvis enim nonnulli differentiam inter profugos & exules hanc constituent, quod illi sint, qui necessitate exclusi de suis sedibus adhuc vagantur, ni vero, qui jam sedes suas alicubi locarunt; nihilominus tamen & apud Lucan. profugus dicitur is, qui jam sedes locavit, exules vero nominantur, qui adhuc vagantur, prout etiam *Sallustio* exules sunt, qui nullo certo exilio vagantur, adeoque exilium est ipsa vagatio, teste *Spiegel, apud Calvin, in Lex. sub voc. Profugus.*

IX.

Evoluta Etymologia & Synonymia Exilii ad descriptionem ejus, quam varii variam adferunt, pedem promovemus. *Althuf. l. 1. Dictionolog. c. 98. n. 36.* exilium per loci & domicilii mutationem poenae loco impositam definit. Enim vero cum exilium generaliter positum non tantum necessarium, h. e. poenae loco impositum, sed & voluntarium ob casum fortuitum susceptum & miserabile sub se comprehendat, ideo dictam *Alth.* definitionem, tanquam definito suo angustiolem, rejicimus. *Matth. Steph. de Jurisdic. l. 1. c. 9. n. 104.* exilium proprie per civitatis amissionem definiendum esse censet, cujus rei gratia ad *l. 2. de publ. Jud.* provocat, ubi haec habentur verba: *Capitalia sunt, ex quibus poena mors aut exilium est, h. e. aqua & ignis interdictio, per has enim poenas eximitur caput de civitate.* Nam caetera non exilia, sed relegationes proprie dicuntur, tunc enim civitas retinetur. *Add. Bajard, ad Jul. Clar. lib. 5. sent. §. fin. q. 71. n. 2.* Verum licet non diffiteamur, quod proprie exilium tunc dicatur, cum caput juxta *d. l. 2.* eximitur de civitate, quia tamen ex *l. exi-*

1. *exilium* 5. ff. de interd. & releg. patet, quod interdum quoque generalius exilii vocabulum sumatur & quidem præcipue tripliciter, ita ut (1.) præter propriam significationem jam demonstratam, quandoque latius (2.) accipiat quatenus etiam relegationem vel interdictum complectitur, d. l. (unde Ulpianus vitandæ obscuritatis causa in l. qui cum major §. 3. ff. de bon. libert. meminit exilii, quod est vice deportationis, ubi civitas adimitur, quasi sit exilium aliquod, quo civitas non amittitur, vel etiam (3.) latissime, quatenus quamcunque expulsionem è patria vel sedibus, plerumque religionis odio, vel alterius causæ falso prætextu, adversariorumque potentia factam denotat, quæ significatio hodie præcipue occurrit, & in hac nostra Dissertatione præsupponitur; Ideoq; & secundum hunc latiore significationem exilium *per quamcung; e Patria vel sedibus suis factam expulsionem* describendum erit, cum Menoch. lib. 2. A. J. 2. cens. 6. cas. 502. n. 56. sive emigratio è territorio concurrat, sive non; Potest enim aliquis in patria seu loco, ubi officio & bonis privatur, permanere, qui tamen ideo ex numero Exulum non excludendus est, quales sunt illi, qui derelicto domicilio tempore persecutionis in cavernis latent, unde etiam alii exilium statum sive conditionem hominis molestatam vocant, qua quis ob patriam, domicilium, officium aliaque bona amissa ad hospitium alibi querendum cogitur.

X.

Fluit ex his, quod exilii vox in Jure nostro & apud Scriptores probatos generis cujusdam & speciei vicem sustineat, ut patet ex Hotom. Comm. verb. Jur. ad hoc vocab. Quamvis enim specialiter relegatio, juxta hætenus dicta, exilium vocari nequeat, sicut Ovid. ad August. innuit in verbis:

Quippe relegatus non exuldicor in illo.

Parcæque fortune sunt tibi verba mea,

Deportatio autem revera exules reddat & ad peregrinitatem redigat, sicq; ἀπώλidas efficiat. l. 17. §. 1. ff. de pæn. l. 1. C. de hered. inst. l. sed si hac 10. §. 6. ff. de in jus voc. Nomen tamen exilii commune quid est, tam late sæpius patens, ut, præter deportationem, relegationem quoque & interdictum comprehendat, id quod præter loca tum apud Cicer. pro Cæcin. tum etiam apud Ovid. occurrentia, Plin. lib. 7. epist. 19. & Anton. Matib. ad lib. 48. ff. tit. de pæn. c. 1. n. 10. demonstrant.

B

Ideo-

Ideoque cum deportatis ac bannitis & interdicti & relegati exules vocantur, quia omnes extra solum missi, sive solo patrio pulsi sunt. *Vid. Menoch. d. f. 2. l. 2. cent. 6. cas. 530. n. 1. Franc. Duar. l. 1. Disp. annivers. c. 37. in med. Steph. de Jurisd. d. c. 9 n. 104. Vinn. ad §. 2. f. quib. mod. jus patr. pot. solv. n. 1. Dautb. de testam. n. 212.* ubi infunul differentias inter relegationem & deportationem proponit. Unde in genere *exilium* aut *voluntarium* est, aut *coactum*, sive a Magistratu inflitum, quod necessarium quoq; vocari potest. *Voluntarium* est, quod mali cujusdam imminētis vitandi causa suscipitur, qualesuit Christi Salvatoris nostri, fugientis in Ægyptum, Aristotelis, Scipionis Africani multorumque aliorum illustrium virorum, quos ordine hic recensere, temporis rationem habentes, superfedemus. XI.

Atque ad hoc exilium referunt quoque multi, interque eos *Petr. Gregor. Tholosan. in Synt. Jur. Univ. lib. 31. c. 6. n. 10.* profugium pœnæ metu susceptum. Sic primum ejusmodi profugum & exulantem nobis Sacræ Literæ sistunt Cainum, qui, fratricidio perpetrato, egressus a facie Domini factus est profugus ad orientalem plagam Eden. *Gen. 4.* Eodem modo in Politia Judaica, qui non præmeditate occiderant, mortis periculum vitabant, *Deut. 19. v. 3.* in civitatibus refugii exulando; Lex enim erat a Deo *Num. 35. v. 26.* hunc in modum constituta: *Si interfector extra fines urbium, quæ exulibus deputatæ sunt, fuerit inventus & percussus ab eo, qui ultor est sanguinis, absque noxa erit, qui eum occiderit. Debuerat enim profugus ad mortem usque Pontificis in urbe commorari, postquam autem ille obierit, homicida revertetur in terram suam.* Hocque ipsum præter Hebræos inter Ethnicos aliosque populos observatum fuisse, haud facile quæquam latere puto. Sic Memphitarum lege homicida, qui invitus occidisset, exulare & ad Gymnosophistas proficisci jubebatur, neque prius ad paternos lares redire poterat, quam ubi ipsis absolutus esset, & si eam absolvere nollent, in montibus errabat, donec Gymnosophistæ illius misererentur, ut ait *Philistr. de vit. Apoll. alleg. a Petr. Gregor. Tholos. d. 1. n. 11.* Eodem modo apud Græcos fortuiti casus voluntario exilio luebantur, juxta *l. aut facta 16. §. eventus 8 ff. de pœn. in verbis: & ideo apud Græcos exilio voluntario fortuiti casus luebantur, ut apud præcipuum Poetarum scriptum est, Iliad. lib. pen. Add. Alciat. lib. 1. disp. c. 17.* Fuit hoc annale, si homi-

Homicidium fortuitum esset, ἀπειροστος, quasi abannatio dictum, à qua voce bannitos dici putat *Alciat. lib. 2. παῖς γ. c. 2.* quamvis Zasius a banno rectius deducat. Quod si fortuitum non fuisset homicidium, neq; etiam deliberatum aut dolosum, non annus, sed arbitratu Judicis tempus statuatur, teste *Alciat. d. c. 2.* Verum & hos omnes, qui formidine pœnæ fuga sibi consulunt, non tam voluntarium, quam necessarium subire exilium, inde facile colligi poterit, quod non libenter & sua sponte discedant, sed cum se damnatos atque periculo immeros videant, sedes suas linquant, sicque pœnam reatus luant. Unde *Glossa add. l. 10. §. 8.* aliter explicat voluntarium exilium, pro eo videlicet, quod ad arbitrium Judicis imponitur. *Bud. ad d. l. voluntarium exilium illud dicit, quod quisque sibi ipsi confiscat.*

XII.

Exilium a Magistratu inflictum, alias **coactum vel necessarium** dictum, iterum duplex est, vel **miserabile**, vel **vituperabile**. **Miserabile** est, quod præter culpam patientis plerumque sub religionis odio vel alterius causæ prætextu, aut adversariorum potentia irrogatur. *Henning. Rennem. in Jurispr. Rom. Germ. memb. 1. de jur. person. disp. 3. c. 26. lit. C.* Huc referuntur illi, qui exulabant quondam, propter virtutem & potentiam **Ostracismo** pulsî, cujus exilii genere ejecti sunt Cimon Miltiadis filius, Themistocles, Aristides, propterea quod **justi** cognomen Athenienses offenderet. Et de hoc Exilio **pars poster. bujus Dissert. concepta est**. **Vituperabile** vero pœnæ loco ob delictum vel culpam imponitur, quod iterum in jure nostro (1) **interdictum**, (2) **relegationem** & (3) **deportationem** comprehendit. Eodem ferme recidit, quod *Marcellus in l. 5. ff. de interd. & releg. exilium triplex* statuatur, aut **certorum locorum interdictionem**, aut **latam fugam**, ut omnibus locis interdiciatur, præter certum locum, aut **insula vinculum**, i. e. relegationem in insulam. Addit *Bajard. ad Jul. Clar. sent. lib. 5. §. fin. q. 71. n. 1.* condemnationem in metallum, vel in opus metalli, quod maximum exilium vocat, quando pœnæ loco ad effodiendum metallum, cujus varia sunt genera, delinquentes condemnantur, ita tamen, ut inter eos, qui in metallum, & qui in opus metalli detruduntur, differentia sit quoad vincula, ut probat. *l. aut damnum 8. §. 6. ff. de pœn.*

XIII.

Interdicti nomen latius patet, ut duo interdictorum genera complecta-

plectatur, unum eorum, quibus honore, ordine, negotiatione vel advoca-
tione interdicitur, *l. 7. §. 20. 21. & 22. ff. de interd. & releg.* alterum
vero, quod huc pertinet, eorum est, quibus certi loci aditu commerciove
interdicitur, *l. 7. §. 16. ff. eod.* veluti si quis Roma abesse jubeatur. Ita
Anaxagoras ab Atheniensibus in exilium missus est. Ita Rhetores & Philo-
sophi ex tota Italia proscripti fuere sub Domitiano Imperatore, uti refert
Gell. lib. 15. Noct. Att. c. 11. Sic Judæi quoque Roma pulsi sub Tiberio
propter quatuor Judæos improbos Eodem modo Heinricus Leo Saxonum
Bavarorumq; Dux ab Imperii Ordinibus in exilium irrecompulsus est, quod
Fridericum I. Imperatorem in expeditione Italica deseruisset, ut *Cran-
zsius in Saxonia & Dauth. de testam. n. 212.* narrant. Relegatio iterum
duplex est, aut *lata fuga*, aut *infula vinculum Latam fugam Wesenb.
in Parat. ff. eod. tit. n. 2.* certorum locorum interdictionem vocat, ut
cum alicui patria interdicitur; is enim extra patriam & urbem Roniam,
quæ communis patria est, ubivis gentium commorari potest. *l. 7. §. con-
stitutum 15. ff. de interd. & releg.* Consentit ferme *Petr. Gregor.
Tholos. lib. 31. Synt. c. 6. n. 17.* Verum sicut hæc explicatio per citatum
textum non probatur, quin potius interdictum cum lata fuga confundi-
tur, ita quoque *l. 5. ff. de interd. & releg.* satis aperte innuit, quid lata fu-
ga sit, omnium scilicet locorum interdictio, præter certum locum, quando
quis non amandatur alio, sed certum in locum quodammodo includitur,
ac quasi circumscribitur, ut cum Præses aliquem damnat, ne domo sua ex-
eat. *l. 9. ff. d. t.* item, cum quis patria excedere vetatur, jubeturve certis
in vicis morari, qua de re loquitur *Ulpian. in l. 7. §. solet 17. ff. eod.* hæc
que est lata illa fuga, quam *Marcianus in sapiens alleg. l. 5.* proponit.
Hinc lata fuga non denotat facultatem libere ubique vagandi, uno loco ex-
cepto, sed *φρυγῆ* potius, i. e. exilium ab omnibus locis, præterquam ab u-
no. Apparet igitur nec corruptum esse illum locum, ut Budæus & alii exi-
stimant, neque etiam interdictionem & latam fugam inter se convenire,
cum per interdictum quis certi loci aditu, per latam vero fugam loci cujus-
dam exitu prohibeatur, ut recte monet *Hotom. in Comm. verb. jur. verb.
Exilium*, perinde ut Salomon Rex illum, qui patri fugienti maledixerat
Hierosolymis conclusit, & egressum postea capite plecti jussit. Hanc
ipsam tamen latam fugam improprie relegationem vocari, testatur *Ho-
tom. in Comm. verb. jur. d. l. Calvin. in Lex. ad voc. Exilium Me-
noch.*

notb. l. 2. de Arb. Jud. Quest. cas. 530. n. 3. Insula vero vinculum, i. e. relegatio in insulam est, quando quis in loca, ab hominibus notis & amicis remota, amandatur, quo exilii genere a Cæsaribus Rom. multi pii jam olim affecti sunt, Johannes scil. Apostolus, Clemens Romanus, Cyprrianus & alii, Ita Ovid. Poeta à Cæsare Augusto in Pontum, Juvenalis octogenarius à Domitiano in extremam Ægypti partem ad Pentapolim relegatus est. Et hæc relegatio in insulam vel ad tempus vel in perpetuum fieri potest, l. 7. §. 2. ff. de interd. & releg. l. 5. l. 18. pr. cod. Menoch. d. l. n. 4. Addunt quidem nonnulli & aliud relocatorum genus ex l. 7. pr. ff. de interd. & releg. eorum scil. qui simpliciter relegantur, ut provinciis eis interdicatur, non etiam insula assignetur; Hos tamen rectius interdictos, quam relegatos dixeris, ceu patet ex l. 5. ff. cod. Deportatio denique est, quando delinquentes civitate privati, nervis vel compedibus vincti, navi imponuntur, servisq; publicis, ut eos in insulam transferant, traduntur, quod exilii genus, atrocissimum erat, quia ad tempus non imponebatur, omniaque civitatis & agnationis jura adimebat. l. 18. §. 1. l. 6. d. t. l. 4. §. fin. ff. de grad. & ad fin. l. sunt quidam l. 7. §. 1. ff. de pæn. Vid. Perez. ad C. tit. de his, qui in exil. dat. n. 2. Vinn. ad §. 2. J. de cap. demin. n. 1. Vnde Origines in Jeremiam homil. 9. Scio, inquit, quosdam Reges eos, qui imperio suo insidiati sunt, ad desertas insulas deportare solitos & pro magnis suppliciis hoc jubere, ne in uno loco exilii pœnam sustineant: sed in aliam partem Orbis uxor, in aliam liberi exterminantur, ne in calamitatibus suis perfruantur solatio, aut pater filii, aut mater filia, aut frater fratris. Et his posterioribus hodie æquiparantur exules bauniti, quibus ob crimen quoddam aqua & igni alicujus Regni interdicatur, ita ut a nemine in clientelam, fidem aut amicitiam recipi, ab omnibus vero impune, tam in persona, quam rebus offendi possint. Ord. Cam. p. 2. t. 9. §. So jernands 2. Gail. de pac. publ. l. 2. c. 1. n. 19. & 20. Wehm. in obs. pract. sub voce Acht.

XIV.

Differentiæ, quæ hanc divisionem comitantur, ex sequentibus patebunt. Nunc ordinis ratio suadet, ut, divisione exilii relicta, & vituperabile & miserabile exilium paulo altius perpendamus. Illud quod attinet, ex Sacris patet, quod fuerit prima pœna Protoplastis propter delictum imposita. Cum enim transgressione legis divinæ enormiter peccarint, ejecit

eos ex Paradiso seu loco voluptatis Deus, ut terram colerent, adeoque è Patria peregrini & exules cum omnibus suis posteris facti sunt. *Gen. 3. c. Adam 80. dist. 1. de pœnit.* Proinde omnes vere philosophantes Patres antiqui & Christiani, se in vita hac peregrinari, professi sunt. *Gen. 23. Ps. 38. 1. Petr. c. 2.* Nostra siquidem patria, ad quam properamus, æterna vita est, nec civitatem permanentem hic habemus, sed futuram inquirimus. Quare rectissime Plato vitam nostram peregrinationem vocat. *Petr. Gregor. Tholos. Synt. Jur. univ. lib. 31 c. 6. n. 1.* Atque ex hoc Protoplastorum exilio indeque promanante peregrinatione Christianorum nonnulli deducunt peregrinationes temporales ad loca sancta, vel etiam Sanctorum basilicas, Germ. *Wallfahrten*, pœnæ vel meritorum loco impositas. *Vide, si placet, Petr. Greg. Tholos. d. c. 6. n. 4. Add. c. si quis Romipetas 23. c. 24. q. 5.* quæ hodie nervi indulgentiarum Papalium sunt, ut loquitur *Cbeinn. in Exam. Concil. Trident. p. 4. de indulg. c. 4. p. m. 102.* De iis hoc breviter tenendum, extare quidem exempla, quod historiæ gratia veteres Hierosolymam profecti fuerint, Christum, qui illis in locis natus, conversatus & passus est, in spiritu & veritate adoraturi, sicut Euseb. narrat, Alexandrum ex Cappadocia circa annum Domini 200. ad loca Hierosolymitana profectum esse, orationis & historiæ causa; postea tamen haud pauci pietatis partem non postremam in peregrinatione Hierosolymitana aliave ad Sanctorum basilicas suscepta constituerunt, quasi gratia divina istis in locis vel amplior, vel etiam Spiritus Sanctus abundantior esset. Hinc istæ peregrinationes tantum successive favorem promeruerunt, ut non solum peregrinantes in tutela Summi Pontificis existerent. *c. innovatus 2. & de treug. & pac. c. un. & de peregrin.* sed & Clemens VI. in Bullis Indulgentiarum ipsis Angelis præceperit, ut peregrinantium animas, si in itinere evolarent, statim in Paradisum transferrent, teste *Cbeinnit. in Exam. Concil. Trident. d. 1. pag. m. 128.* Ut taceamus reliqua singularia, v. gr. quod is, qui conventus hosce contempserit, anathemate feriarur, *Petr. Gregor. Tholos. d. 1. n. 4.* it. quod Mariti, licet conjuges alterutro invito religionis votum assumere nequeant, nihilominus præter uxoris consensum propositæ peregrinationi vacare, eamque libere implere possint. *Lancel. l. 2. Inst. Jur. Can. tit. de dyort. 16. §. licet autem 15. c. ex multa 9. §. in tanta & de vot. & vot. redemt.* Denique quod illi, qui peregrinantes spoliaverunt, excommunicentur. *§. si quis Romipetas 23. cum can. seq. c. 24. q. 3. & si* quæ

quæ sunt sexcenta alia. Verum quid de hisce peregrinationibus nostrates statuunt Ecclesiæ, ex Theologorum scriptis patet. *Add. Zigler. ad Inst. jur. Canon. d. §. 15.* quorsum curiosum remittimus Lectorem, hac solum modo adjecta quæstione: Num in casu, quo maritus, irrequisito uxoris consensu, peregrinationem ad terram sanctam vovet ibique diutius cominoratur, uxor non expectans ejusdem redditum alias interim contrahere possit nuptias? *Lancel. §. 16. Inst. Jur. Canon. dict. c. 16. de divort.* negative respondet, modo de morte mariti certo non constet, cui etiam *Dn. Zigl. in Not.* calculum suum addit, dummodo omnis a marito dolus absit, et si pietate vana adductus peregrinationem susceperit; Quod si vero de malitiosa desertione constet, utcumque color pietatis peregrinationi inducatur, ad novum matrimonium, observatis solennitatibus, mulier omnino admittenda erit.

XV.

Causa efficiens vituperabilis exilii, sicut omnium pœnarum, Lex est, quæ delictis pro singulorum qualitate justas irrogat pœnas, idque propter utilitatem publicam, cujus interest, ne delicta maneant impunita. *Card. Tusch. Pract. Concl. lit. D. Concl. 157. Wesenb. in Parat. ff. tit. de pœn. n. 5.* Suadet enim hoc exilii genus salus totius populi, utpote quæ æ suprema lex est & officio Magistratus committit, ut male se gerentem in societate civili è medio tollat, ne forsan pars sincera Universitatis inquinetur. Probabiliter hoc innuit *Pufend. in Elem. Jurispr. lib. 2. Obs. 1. §. 4. in verbis: Sunt leges Naturæ fundamentales, ex quibus reliqua omnes fluunt, duæ, (1) ut quilibet vitam & membra sua, quantum potest, tueatur, seque ac sua conservet, (2) Ut non perturbet societatem humanam, nec faciat aliquid, quo minus tranquilla esse possit. Hæc ita inter se conspirare & invicem velut implexæ esse debent, ut in unam velut coalescant legem.* Sicut enim Medici non semper urendo & secando, sed & purgando subveniunt periclitantibus corporibus; ita prudens quoque legislator non omnes nocentes in furcam agit, sed & quosdam, tanquam vitiosos humores, foras pellit, atque in exilium mittit. *Anton. Matth. de crim. ad lib. 48. ff. tit. 17. c. 1. n. 7. Ministerialis seu instrumentalis* causa est Magistratus, cui exilii imponendi facultas a lege est concessa. Non verò quilibet indistincte hac potestate o-
lium gaudebat, sed certis limitibus eadem circumscripta erat. Princeps namque, Senatus, Præfecti & Præsides, non vero Consules relegare poterant,

rant, *l. 14. §. 2. ff. de interd. & releg.* Et quidem Præfides Provinciæ tum demum, si insulam sub se haberent, *l. 7. §. 1. d. t.* fin minus, pronuntiabant quidem, in insulam se relegare, scribere autem tenebantur Imperatori, ut ipse insulam assignaret, *d. l. 7. §. 1. vers. fin. vero, Mart. tom. 2. Digest. noviss. sub. tit. relegat. c. 2.* Non tamen poterat relegare Magistratus in insulam sibi non subditam. *d. l. 7. §. 6. Vid. Coll. Argent. ad t. de interd. & releg.* quamvis de consuetudine generali, quæ viget fere ubique locorum, contrarium observetur, ut testatur, *Bald. in l. executor. 8. C. de exec. rei jud. n. 33. Add. Jul. Clar. 5. sent. quest. 71. n. 4.* ubi hanc in rem allegat exemplum Ducis cujusdam Mantuani, qui nonnullos cives Casalenses in diversas civitates & oppida Italiæ, dominio suo non subditas, relegavit. Et hæc quidem in relegatione obtinent. Secus est in deportatione, hæc enim Præsidibus Provinciarum, quamvis merum imperium habentibus *l. 6. §. 8. ff. de Off. Præs.* non competebat, *l. 2. §. 1. de pæn. l. 6. §. 1. de interd. & releg.* ideoque specialis prorsus pœna fuit sub Augusto, ut ex Dione patet, in locum veteris illius aquæ & ignis interdictionis surrogata, ceu pluribus demonstrat, *Frantz. ad l. Gallus de lib. & postb. disp. 3. membr. 2. sect. 1. n. 13. & seq.* Ut itaq; hæc in libera Rep. nulli concessa, sed ab ipso populo decreta est, ita nec postea deportatio sub generali concessione meri imperii transit. Qua de causa, ut possit deportare Præfectus Urbi, speciali rescripto opus fuit. *d. l. 6. §. 1. de interd. & releg. l. 1. §. 4. de leg. 3.* Et specialem hanc fuisse pœnam, etiam inde patet, quod Præses alio genere jus civitatis & libertatis per damnationem scil. in metallum edimere possit, *d. l. 6. §. 8. de Off. Præs.* Conferantur de hoc ipso negotio, aliter illud explicantes, *Hocom. 3. observ. 2. & Gilken de præscript. part. 3. c. 6. n. 21. & seqq.* Moribus hodiernis, imprimis vero Saxonice, quilibet Magistratus, alta si-ve criminali Jurisdictione gaudens, relegationis pœnam imponere potest, teste *Carpz. in Pr. Crim. p. 3. q. 109. n. 55. 56. 57. 58. Matth. Col. de Proc. execut. p. 2. c. 1. n. 137.* Ad jurisdictionem namque criminalem spectant omnia delicta, quæ regulariter sanguinis pœnam, ultimum scil. supplicium, aliamve pœnam corporis afflictivam merentur. *Carpz. p. 3. Pr. Crim. q. 109. n. 39. Coler. d. l. n. 125.* Deportatio vero desiit esse in usu. Quia tamen in ejus locum bannum successit, ideoque bannum Imperiale ab Imperatore atque Camera Imperiali infligitur, speciale vero a reli-

reliquis Principibus, aliisque Imperii Statibus ob crimen irrogatur. *Vid. Carpx p. 3. Pr. Crim. 9. 140. n. 18. & 30. Gail. de Pac. Publ. lib. 2. c. 1. n. 19. & seq. Blum. in Proc. Cam. tit. 25. n. 30. & seq. Eckolt ad Pand. tit. qui test. fac. poss. ch. 24.*

XVI.

Causam efficientem excipit *subjectum*, cui exilium hoc irrogatur, quod ipsum delinquens est, de cujus delicto ex processu ordinario vel inquisitorio constat, isque tam præsens, quam absens. Quamvis enim juris expediti sit, quod contra absentem deveniri nequeat ad sententiam definitivam, sive condemnationem, *l. absentem 5. ff. de pœnis ibique Gl. & Dd. l. absentem. 6. C. de accus. l. 1. ff. de requir. reis. Jul. Clar. l. 5. Sentens. §. ult. quest. 44. n. 1.* id quod etiam de Jure Canonico obtinet, quo nequidem ad testimonium receptionem contra absentem procedi potest, *arg. c. quoniam 5. & ut lit. non contest. secundum Abb. in cap. verisatis 8. num. 20. & 27. de dol. & contum. Vid. Anton. Gomez in l. Tauri 76. n. 4. Hostiens. in aur. summ. ad tit. ut lit. non contest. n. 2. sub fin.* Hoc tamen procedit tantum modo, quando pro crimine de quo agitur, venit imponenda pœna corporis afflictiva; Ubi vero pœna relegationis, vel relegatione minor irroganda est, eo casu absens utique de Jure communi condemnari potest. *Bald. ad l. absentem 6. C. de accus. imo ex generali consuetudine hodierna proceditur ad pœnam banni, teste Jul. Clar. lib. 5. Sent. §. fin. quest. 44. n. 3. ibique Bajard. in not.* quam consuetudinem non improbat *Bald. ad. d. l. 6. n. 6.* Pertinent vero ad subjectum hujus Exilii inter alios delinquentes & servi & hæretici. Servis equidem exilium proprie sic dictum infligi nequit. Per illud namque civitas amittitur, qua tamen servus caret, per jura notoria. *Meier. in Colleg. Argentor. tit. de pœn. t. bef. 5.* Quod si vero latius sumatur, quatenus & relegationem complectitur, pœna & liberis & servis communis est. Quamvis enim *Venulej. in l. bos accusare 12. §. ult. ff. de accus. innuere videatur*, relegationem servis non quadrare; Contra tamen servos relegari posse *ex l. 2. ff. qui & a quib. man. & l. 2. C. de sepulch. viol.* colligitur. Hinc Glossographi in conciliatione horum textuum variant. Sed absque hæsitatione probanda erit Johannis sententia, qui verba *d. l. 12. Sicuti relegatio*, affirmative accipienda esse dixit; hoc sensu: *Pœna pecunia-*

C

ria

ria & capitis servorum pœnis non convenit, sicuti relegatio convenit. Quam Interpretationem viri doctissimi probant, interque eos *Cujac. & Briffon. lib. singul. ad L. Jul. de adult. c. si servus adulterii in princ.* Quod vero alii respondent, relegari interdum servum de facto non de jure, id plane inconveniens est. *Constant. enim in d. l. 2. C. de sepulch. viol.* jubet servum relegare, qui domini jussu sepulchrum violavit, *Anton. Matth. ad lib. 48. ff. tit. 18. c. 1. n. 10. Du. Brunnemann. ad l. 12. ff. de accus. n. 3.* Hæreticos vero sedibus suis, ne alios erroribus suis inficiant, pellendos esse, constitutum est *in l. 3. & 5. C. de Hæres. & Manich.* Consentit *Recess. Imp. de ann. 1566. §. auf daß aber x. s. verl.* So haben wir uns mit ihnen, den gemeinen Ständen, und Sie hinwieder mit uns verglichen, daß solcher Secten und irrigen Opinionen so, wie gemeldet, sich von beyden der alten Religion und Augspurgischen Confession absondern oder denselben zuwider seyn, vermög des Religion-Friedens, keine gelitten noch gedult, sondern allenthalben der Gebühr und dem Religion-Frieden gemäß, gänzlich abgesellschaft werde. Multi quidem flammis ac ferro in hæreticos scævendum esse docent, ut patet ex *Jul. Clar. lib. 5. sent. §. Hæresis. n. 7. Cardin. Tusch. Pract. Concl. tom. 4. tit. H. Concl. 102. Petr. Gregor. Tholosan. de Republ. c. 4. sect. 10. Molin. de J. & J. tract. 3. Disp. 43. n. 2. Anton. Gomez. tom. 3. var. resol. c. 1. n. 79.* Unde quoque per ultimum supplicium *in d. l. 5. pœnam* mortis intelligit *Perez. ad C. tit. de hæret. n. 3. sub. fin. & Lips. lib. 4. Polit. 1. scribit: Serio, serio hoc imbibite, nihil esse in rebus humanis religione præstantius, eamque summa vi debere defendi; Punias igitur, si quis turbat, clementia hic non est locus, ure, seca, ut membrum potius aliquod, quam totum corpus intereat.* Sed vero longe aliter sentit *Chrysostomus in homil. de Anast. Dogmata, inquires, ab hæreticis profecta anasthematizari oportet, hominibus autem ipsis parcere & pro salute ipsorum orare.* Melius proinde est, hæreticos prius placide monere; Quod si non resipuerint, a consortio ipsorum sibi cavere, eosque excommunicare, ne bonos inficiant, tandem etiam, si dogmatibus suis pertinaciter insistant, exilio plectere. Quæ sententia tantum abest, ut conscientiæ repugnet, ut potius Sacris Literis maxime conformis sit juxta *text. 1. Corinth. 11. vers. 17. 18. 19. Galat. 5. vers. 9. & seq.*

Et seq. 1. *Timosb. 6. vers. 3.* Et seq. 2. *Petr. 2. vers. 1.* ubi de hæreticis agitur, nullibi tamen, ut gladio puniantur, præcipitur.

XVIII.

Neque etiam alia mens fuit Imperatorum Romanorum. Quamvis enim Theodosius, Valentinianus, Martianus & alii leges tulerint in hæreticos, quibus eos interdum aliquot libris auri, interdum omnibus bonis, interdum exilio & verberibus, interdum ultimo supplicio mulctari voluerunt, ut patet *ex l. Manichæos 4. l. 5. Et l. 8. C. de hæres.* attamen vel dicendum, dictas leges non universaliter & illimitate accipiendas esse de quibusvis hæreticis, ex sola etiam infirmitate errantibus, sed potius de blasphemis & talibus, quales fuere Donatistæ, qui turbas excitaverunt, & ipsi in dissentientes sævierunt: Vel etiam notandum, quod Constitutiones Imp. in Jure nostro, capitis pœnam simpliciter hæreticis infligentes, non de naturali, sed civili capite, h. e. deportatione & exilio intelligendæ sint, prout asserit *Wesenb. ad tit. C. de hæres. n. 6. Hackelm. illust. disp. 34. tit. 14. l. 6.* Quo facit textus in *l. 2. C. ne sacr. bapt. iter.* ubi sancitum est, supplicio ultimo percellendos esse eos, qui sacrum baptismum iteraverunt, quæ lex, si non de exilio, sed ultimo supplicio accipitur, pugnat cum *l. f. C. eod. Wesenb. alleg. loc.* Accedit, quod nec Canones aliam, quam excommunicationis pœnam hæreticis irrogent, *c. excommunicamus 13. de hæres. c. ad abolendam 9. eod.* reliquam vero pœnam potestati & arbitrio Judicis secularis committant, *d. c. ad abolendam 9.* quæ arbitraria pœna regulariter ad mortem extendi non debet, *arg. l. bonæ 13. ff. de pœn.* Et hinc communiter à Dd. receptum est, in dubio in quacunque dispositione, tam hominis quam legis, statuti pœnam capitalem intelligi debere non de morte naturali sed civili, h. e. deportatione vel relegatione, & sic de perpetuo exilio, quod successit in locum deportationis secundum *Gloss. in l. 1. pr. sup. verb. capitali C. ne Christi. mancip. item Et Gloss. in l. f. C. de vet. numism. potest.* Quare explosis omnibus pœnis atrocioribus, religionem orthodoxam docendam, non imperandam esse credit *Anton. Matth. ad lib. 48. ff. tit. 10. c. 6. sub. fin. Reink. de R. S. Et Eccles. lib. 3. c. 1. c. 5. n. 31.* Quod si vero hæretici sint vel seditiosi ac pacis publicæ turbatores, vel in SS. Trinitatem blasphemii, omnino ultimi supplicii pœna locum habebit, per ea, quæ tradit *Dn. Carpz. p. 1. Pr. Crim. q. 44. n. 4. Et seq. Coler. p. 1. Dec. 177.*

ubi n. 3. ad Rol. a Vall. & Tiber. Decian. de Crim. provocat.

XIX.

Modus imponendi hoc exilium ante omnia causæ cognitionem requirit, argumento aliarum poenarum, ad quas non temere aut præcipitanter a Iudice procedi, aut contra non auditam partem aliquid definituri debet, alioquin ordine Juris turbato totus processus erit nullus, l. *ex stipulatione* 7. C. de sent. & interloc. Commensurandæ namque sunt poenæ delictis, l. 31. C. de fals. ne quid durius aut remissius in reum statuatur. Neque etiam severitatis aut clementiæ gloria affectanda est, sed perpenso iudicio, prout cuiusq; res postulat, statuendum. l. 11. pr. de pan. Nov. 87. c. 10. Nov. Leon. 61. Causæ itaque cognitionem sequitur sententia, per quam exilium irrogatur. Ea ipsa vero pro diversitate huius exilii diversa est Interdicti namque modus in eo consisist, quod certis locis certave interdicatur provincia, reliquis liberæ fugæ patentibus Anton. Matth. ad l. 48. ff. tit. 18. c. 1. n. 10. ut quis habeat, ubi velit, vagandi licentiam, deinto loco, qui prohibetur, l. 5. ff. de interd. & releg. l. 7. §. solet. 19. ff. eod. Et hæc interdictio relegatio quoque a certo loco vel exulatio dicitur. Sic Marix apud Israelitas impositum, ut extra castra moraretur, neque in ea reverteretur per aliquot dies, Num. 12. vers. 15. Eodem modo in exilium damnatus est Cicero a Crasso, Cæsare & Pompejo, cui interdicti tamen publicatio bonorum adjecta, ejusque domus, tanquam hostis, solo æquata, area vero templo libertatis conservata fuit, alias iussus est abesse Roma 468000. passuum, prætereaque edicto cautum, ut si intra eos fines venisset, & ipse & qui eum suscepissent, impune a quibusvis occidi possent, ut ex Dion. Cass. refert. Petr. Gregor. Tholos. sap. alleg. loc. n. 16. Lata fuga quomodo fiat, ex descriptione ejus patet. Relegatio in insulam quidem formam deportationis habet, sed non tam severum est iudicium, Petr. Gregor. Tholos. d. l. Nam in deportatione locus certus deputatur & definitur poenæ causa, ex quo excedere non licet. Quod ipsum quidem in relegatione in insulam itidem occurrit, ejus tamen mitior causa est. Deportatio namque civitatem Romanam cum bonis auferit, l. 6. pr. l. 14. §. 1. l. 15. pr. ff. de interd. & releg. l. 2. §. 1. l. 17. in fin. ff. de Publ. Jud. unde forma deportationis non constituenda est in sola voce deportationis, sed in ademtionem civitatis, Dn. Tab. in not. ad Coll. Argent. tit. de interd. & releg. n. 7. quæ non ad tempus

fit.

fit. l. 18. §. un. cod. sed peregrinitatem perpetuam inducit, infimulque ἀπόλιδας efficit. l. 17. §. 1. de pæn. Relegatis vero dies præstituitur, intra quem excedant. Moris enim erat ita pronunciare: *Illum provincia illa, insulisque relego, excedereque debetis intra illuta diem.* l. 7. §. bis qui 17. de interd. & releg. quæ sententia exilium quidem civis minuit, non tamen consumit, aut caput de civitate eximit. l. 4. l. 5. ff. cod. Underelegati, sive ad tempus, sive in perpetuum, bona sua, testamenti factionem tam activam quam passivam, ut & civitatem retinent, l. 7. §. 2. ff. de interd. & releg. Anton. Mattb. d. l. Et licet cum relegatione in perpetuum possit quoque pars bonorum adimi, juxta l. 4. C. de his qui in exil. dat. hoc tamen expresse fieri debet, tacite vero relegationem non sequitur, perinde ut deportationem publicatio bonorum. l. deportatorum 8. C. de pæn. ibique Brunnem. Mattb. Wesenb. in Parat. ff. de interd. & releg. n. 3. Perez. ad C. tit. de his qui in exil. dat. n. 2.

XX.

In genere denique circa formam hujus exilii observandum est, quod illud extra deportationem, quæ non nisi in perpetuum fit, l. 18. §. un. ff. interd. & releg. l. 7. §. 2. cod. Cujas. 6. Observ. 25. variis imponatur modis; Quandoque enim irrogatur (1) ad certum & determinatum tempus, & tunc condemnatus illud observare debet, alias quod superest duplicatur, juxta text. expressum in l. aut damnum 8. §. quisquis 7. ff. de pæn. ibique Bartol. & comm. Dd. Marta tom. 2. Digest. noviss. sub tit. Exilium c. 4. Interdum (2) imponitur ad tempus quidem, sed indeterminatum, & tunc intelligitur impositum per decennium per l. sine præfinito 23. ff. de pæn. quem textum pro singulari habent Bald. & Hahn. ad Wesenb. tit. de pæn. n. 7. Aliquando vero (3) Judex poenam exilii infert simpliciter, nulla facta temporis mentione & tunc queritur: *An verba sententia de temporali, an vero de perpetuo exilio accipi debeant?* Resp. cum Bartolo ad l. 23. ff. de pæn. & Harism. Pistor. obs. 189. quos sequitur Dn. Carpz. in P. Crim. 2. 130. n. 16. exilium sine temporis præfinitione injectum in perpetuum durare per l. Servus 10. C. de pæn. ibique Cyn. Bart. Bald. Salic. & Dd. comm. non obstante l. 23. ff. de pæn. quæ recte cum Harism. Pistor. dict. obs. 198. de priori casu, quando scil. quis ad tempus relegatus, vel

in metallum damnatus fuerit, sine certi temporis tamen præfinitione, accipienda est; tunc enim illud tempus indeterminatum de decennio rectè intelligendum est, secus si res habet in exilio simpliciter imposito, quod perpetuum esse censetur. Et hanc sententiam non solum defendunt *Gomez. tom. 3. var. resol. c. 3. n. 3. Habn. cit. loc.* verum etiam ipsa Praxis, teste *Carpz.* recepit. Quandoque denique (4) Judex imponit pœnam exilii ad beneplacitum & voluntatem suam, gerim. *auf kundliche Verlassung*, quod medium quasi locum obtinet inter perpetuum & temporale, periterque valet, ut tradit *Gom. d. l.* ideoque ad arbitrium Magistratus revocari potest. *Habn. ad Wesenb. cit. loc.* Quod si vero Judex moriatur vel ab officio removeatur, quaeritur, *an revocatum censetur exilium hoc modo impositum?* Nonnulli putant quod non, potiusque in perpetuum durare censent *arg. l. centesimis 46. §. pen. ff. de V. O.* Alii vero pœnam exilii ipso jure revocatam & finitam esse existimant, propterea quod volunt: s posita ad durationem & perseverantiam alicujus actus, semper cesset & finiatur morte, *juxta l. 4. ff. locat.* & hanc sententiam multi a *Gomez.* allegati Dd. amplectuntur. Quia tamen tribunal & judicium per mortem Judicis non expirat, sed in alium transit judicem, & judex pœnam exilii ad beneplacitum imponens, non suam propriam, tanquam privatae personæ, sed publicam potius, judicis nempe censetur respexisse voluntatem, ideoque hoc casu nec exilium revocatum, neque etiam perpetuum factum esse, sed adhuc ita durare putamus, ut facultas & voluntas revocandi transeat in successorem, ut rectè docet *Gomez. d. l.* ubi & argumenta in contrarium proposita resolvit.

XXI.

Finis hujus exilii, perinde ac aliarum pœnarum, est, ut delicta propter mandatum Dei ad publicam utilitatem puniantur & illi formidine pœnæ emendentur, qui virtutis amore a sceleribus abduci nequeunt. *l. 20. ff. de pœn. Coll. Argent. cod. tit. n. 19.* Effectus vero pro diversitate exilium diversus est. Exules namque deportati civitatem & inde dependentia jura omnia amittunt, sicque ἀπόλιδες redduntur. *l. 17. §. un. de pœn.* Quapropter ipsis neque legatum, neque fidei commissum contra mores & Jus publicum relinqui potest, *l. 7. pr. & §. 1. ff. de legat. 3.* nisi ad victum aliosque usus necessarios, ex qua causa relicta capere possunt *l. 16. ff. de interd. & releg. l. 3. pr. de his, quæ pro non script. bab. l. 11. ff. de*

ff. de alim. & cib. leg. l. 1. C. de hered. instit. l. 9. & l. 35. ff. de mort. caus. donat. Libertatem vero retinent atque jure gentium fruuntur, unde neca matrimonii vinculis liberantur, *l. 1. C. de repud. l. 23. §. 1. ff. de donat. int. vir. & uxor.* nec etiam emere, vendere, locare, conducere, permutare, sœnus exercere, aut postea quæsitâ pignori dare prohibentur, modo non fiat in fraudem Fisci, qui iis mortuis successurus est, juxta *Marcianum in l. 15. ff. de interd. & releg. l. 17. §. un. de pæn. l. 7. §. ult. de bon. damnat.* Sed quomodo deportati, qui tamen communione Juris Civ. destituuntur, contrahere possint, ingenia Dd. varie tœrsit? Sunt, qui post condemnationem quæsitâ ad hæredes damnati pertinere existimant, non solum ob responsum *Marciani in d. l. 15. ff. de interd. & releg. sed & ob id, quod Gajus in l. 8. §. 1. ff. de his qui testam. fac. poss.* scripsit, bona quæ reus habuit tum, cum damnaretur, publicari, quod apertius confirmat, *Paul. in l. 22. §. 5. de mand. dum inquit: Publicatis bonis quicquid postea acquiritur, non sequitur fiscum.* Verum hæc, ut ut speciosa, tanti tamen ponderis non sunt, ut sententiæ huic robur addere possunt, præcipue quia aperte refragatur Alexandri rescriptum *in l. 2. C. de bon. proscript. in verbis: Deportati nec earum quidem rerum, quas post pœnam irrogatam habuerint, hæredem habere possunt: Sed & hæ publicabuntur.* Vnde *Marcian.* quoque *in d. 15.* permissionem commerciorum ita limitat, quod in fraudem fisci, qui ei mortuo successurus est, alienare post quæsitâ non possit deportatus; Ideoque *ex d. l. 2. §. 8. ff. qui test. fac. poss.* ita declaranda est: *Deportatum scil. post quæsitis bonis ad vitam quidem frui, ea tamen in proprio ipsius patrimonio non esse, sed mortuo eo a Fisco auferri, sicque l. 22. §. 5. ff. mand.* de mandato in post quæsitis, vel etiam de deportatione sine publicatione bonorum intelligunt. *Jason. ad pr. Inst. de Act. n. 45. Fachin. l. 9. controv. c. 51. Bacov. ad Treutl. vol. 2. dis. 6. th. 6. lit. D. Ant. Matth. in tract. de crim. ad tit. 18. lib. 48. ff. t. 2. n. 12.* Per post quæsitâ vero illa intelliguntur, quæ damnatus industria sua quæsit, aut si quid inter vivos ei donatum fuerit. In hæreditatibus & legatis quid obtineat, jam dictum est. *Add. Anton. Matth. d. l. Quid jure novissimo hac in re constitutum sit, ex Nov. 134. c. ult. & auth. bona damnatorum C. de bon. proscript. ut & art. 218. Ord. Crim. Carol. V.*
fusi-

fufius patet. *Evolb. Rittersb. ad Novell. p. 13. §. 4. n. 5. Brunnem. ad d. auth. On. Habn. ad Wefenb. de bon. damnat. n. 6. Stepb. in Not. ad d. art. 118.*

XXII.

Effectus in exilibus relegatis & interdictis quis fit, ex antea dictis patet, videlicet quod, five ad tempus, five in perpetuum hoc exilium iis fit impositum, & civitatem Romanam, & testamenti factionem, nec non patriam potestatem retineant. *l. 7. §. 3. l. 18. de interd. & releg.* interim tamen locis interdictis abstinere & ex iis, quibus inclusi sunt, egredi non debeant, ne pœnz & judicia eludantur, *l. 4. l. 28. §. 13. ff. de pœn. l. 12. ff. de interd. & releg.* alias si terminos exilii frangant, puniuntur, ita quidem, ut in iis, qui exulare quidem jussi sunt minus decennio, duplicetur tempus, quod restabat, si vero decennium vel ultra prœfinitum ipsis fuerit, perpetuetur exilium, sin perpetuum fuerit impositum, pœna mortis adhibeatur *l. aut damnum 8. §. 7. ff. de pœn.* & hanc communem esse Dd. sententiam testatur *Jul. Clar. l. 5. Sens. §. ult. quest. 71. n. 13.* quæ per se quidem vera est, ita tamen ab aliis illustratur, ut de duplicatione temporis, propter *l. 8. §. 7. ff. de pœn.* omnes consentiant. Cæteroquin si quis ad tempus vel certum vel indeterminatum exul factus fuerit, de pœna leges inter se dissentire videntur, dum *l. 4. ff. de pœn.* exilium perpetuum imponit, at *l. 28. §. 13. eod.* relegationem in insulam decernit. *Ludov. Peguera Hispan. in decis. crimin. c. 41.* (quem sequitur *Menoch. de arbitr. Jud. quest. lib. 2. cens. 6. cas. 530. n. 5.*) per relegationem in insulam in *l. 28. §. 13.* intelligit relegationem in perpetuum. Aliter sentit *Hotom. in Lex. ad verb. exilium*, quem itidem sequitur *Menoch. d. l.* Aliter vero *Jacob. Cujac. l. 6. Observ. 36.* quod scil. refuga ex temporario exilio, quandoque etiam, omisso perpetuo exilio, in insulam relegetur; Verum si arbitrio Judicis permittum esset, uno vel altero gradu poenarum neglecto, aliam eligere, tam accurata & diligens distinctio graduum in *l. 4. ff. de pœn.* necessaria non fuisset, quæ e probabiliter dicendum erit illud, quod in *l. 28. §. 13. ff. de pœn.* de perpetuo exilio deest, ex *d. l. relegati 4.* supplendum esse, cum novum non sit, lègem ex lege suppleri, *l. non est novum 28. ff. de LL.* Quæ gradus poenarum sic constituti sunt, ut exul temporarius, si redeat, perpetuo exilio puniatur, si hic redeat, in insulam relegetur, si in insulam relegatus redeat, deportetur, si deportatus redeat, capite plectatur, & sic semper pœna au-

genda

geatur. *Brunnem. ad d. l. 4. n. 2. & seq. Berlich. p. 3. Concl. 72. præcipue Martatom. 2. Dig. noviss. tit. de exil. c. 4. Et hæc de poena Juris Civilis.* XXIII.

Aliud vero obtinet in Imperio nostro Romano Germanico, cujus moribus hoc superadditum est, ut is, qui exilio mulctatur, Urphedam præstet & juramento promittat, se intra præfinitum tempus nolle reverti. Quod si contra juratam fidem redeat, priorum digitorum amputatione punitur, juxta dispositionem *Constit. Carol. ars. 107. vers. und nach dem im Heil. Reich, ic. it. art. 108. v.* So aber einer ein Urphede, ic. *ibique Steph. in nos. Berlich. p. 5. concl. 72. n. 17.* De Jure Saxonico, quæ poena in exilibus revertentibus obtineat, patet ex *Constit. Elect. Sax. p. 4. Const. 48. ibiq; Carpz. defin. 1. & in Prax. Crim. p. 1. n. 47. Berlich. p. 1. Concl. 72. n. 18. & seq. Matth. Coler. p. 1. Dec. 114. n. 8. Rieht. p. 2. Dec. 93. n. 24. & seq. Philipp. in Usu Pract. Inst. lib. 1. Eclog. 75. n. 4. & seq.* Sed hac occasione queritur: *An ab una civitate vel loco in exilium missus, a tota Provincia censeatur ejectus, ita ut nullibi in ista provincia commorari ipsi liceat?* de Jure Civ. id quidem negandum videtur, propter *l. relegatorum 7. §. 15. ff. de interd. & releg.* ubi expresse constitutum, quod si alicui urbe fuerit interdictum, vel etiam certa quadam civitate vel præfectura, Patria tamen sua ei interdictum non sit, quare nec de tota Provincia relegatus videtur. Facit hoc, quod quævis civitas peculiarem suam & separatam habeat jurisdictionem, quæ vires suas alio non extendit, *l. ult. ff. de jurisd. Bart. ad l. non dubito 7. ff. de capt. & postlim. revers. n. 2. Bald. ad l. 8. C. de except. rei judic. n. 33. Clar. lib. 1. Sent. §. ult. q. 71. n. 11. Anton. Fab. in Cod. lib. 9. c. 24. def. 11. n. 1.* Unde inferunt, quod Studiosus, ab Academia relegatus, non censeatur à tota Provincia ejectus, in qua Academia conservatur, quod ipsa quoque confirmat experientia. *Berlich. p. 5. concl. 71. n. 19.* Sed extra hunc casum contrarium de consuetudine passim invaluit, ita, ut bannitus ab una civitate aut præfectura, à tota Principis Provincia bannitus censeatur, teste *Jul. Clar. d. l. n. 4. Berl. d. concl. 71. n. 10. 11. & 12.* qui consuetudinem hanc propterea rationabilem esse contendit, quod publice intersit, Provinciam malis hominibus purgari, *l. 13. ff. de off. Praef.* nec justum videatur, ut condemnati in territorio resident, ant, D XXIV.

Sicut itaque secundum Juris communis dispositionem à Patria exilio ejectus, Roma quoque tanquam Patria communi, abstinere debet, juxta *l. 7. §. 15. de interd. & releg. & tradita à Jacob Belvis. in Pract. crim. in tit. de fug. reor. & Anton. Scap. in Pract. Jur. non scripte. quos refert Bajard. ad Jul. Clar. l. 5. §. ult. q. 71. n. 21.* Ita quoque consuetudinis factum est, ut bannitus vel relegatus ab uno loco censetur quoque bannitus ab omnibus locis, qui sunt sub eodem dominio, quod non solum in statu Ecclesiastico expresse receptum est, per *Bull. Clem. VII. sed & in Regno Neapolitano, teste Bajard. d. l. n. 22.* imo generaliter hactenus obtinuit, adeo ut banniti Superiorum dicantur quoque banniti in terris subditorum, quamvis habeant merum & mixtum imperium. *Bald. in l. etiam 8. C. de Jur. dot. n. 6. & 7. & banniti à toto statu, sive territorio Principis, intelligantur quoque exclusi à civitatibus & territorio postmodum per Principem acquisitis, ut tenet Mars. in Pract. Crim. §. aggrediore n. 22. & post eum Bajard. ad Jul. Clar. d. l. n. 26.* Hæc ipsa tamen exclusio ita temperanda est, ne ad jurisdictionem & locum penitus extraneum trahatur, in quo delinquens nullum habuit domicilium; Quod si vero ibi habeat domicilium, judicem quoque loci, ubi commissum est delictum, posse condemnare in pœnam exilii non solum à loco delicti, sed & à loco originis & domicilii *ex l. 7. §. interdicere 10. ff. de interd. & releg. colligit Bartol. add. §. interdicere 10. n. 5. cum communi Dd. Schola, quam refert & sequitur Gomez. tom. 3. Var. Resolut. c. 8. n. 3. sub fin. it. Bajard. ad Jul. Clar. d. l. n. 11. & seqq.* Denique etiam exilium ita, quantum fieri potest, imponendum est, ne noceatur creditoribus exulantis, quare si Fiscus non insiet, & exilio creditores contradicant, debitor ejiciendus, si idoneam præstare nequeat cautionem, tandiu in carceribus detinetur, donec solverit vel alio modo satisfecerit. Sed si Fiscus exilium urgeat, creditorum quidem instantia tanti momenti non est, ut executionem impedire queat, consulitur tamen ipsis fidejussoria cautione de redeundo ad carceres finito exilio, & si illa præstari nequeat, statur juratorix, sicque tali promissioni, quæ haberi potest, ut tradit *Francisc. dec. 317. vol. 2. allegatus a Bajard. d. l. n. 7. & 8.*

Et hæc quidem de deportationis atque relegationis exilio, ejusque effecti-

effectibus breviter delineasse sufficiat, jam paucis quoque ipsius usus practicus adjiciendus erit. Quamvis itaque que deportationis & relegationis multa in Digestis & Codice fiat mentio, adeo ut Dd. hinc inde plures referant casus, in quibus hoc exilium ipso jure irrogatur, tamen in usu esse desiit, ut respondit *Cornes. lib. 3. Consil.* quem secutus est *Cravett. Consentit Imola, Alex. in Consil. Roland. a Vall. in Consil. præcipue Jul. Clar. l. 5. Sent. §. fin. q. 67. n. 8. & 9.* cum Dd. pluribus ibid. allegatis, (exceptis quibusdam paucis locis, ubi deportationis adhuc obtinet pœna, quos recenset *Jul. Clar. d. l. n. 8.*) Unde, quod deportationem attinet, nonnulli statuunt, quod loco illius successerit hodie decapitatio, ut ex *Roman. Sing. retert Aug. Arimienfis ad Ang. Aretin. de Malef. in verbo Falsario post n. 48. sub fin.* quam conclusionem tamen falsam esse dicit: Alii vero asserunt, quod loco deportationis successerit bannum perpetuum & ita sentiunt *Cuman. Cravett. & Guid. Pap. dec. 423. n. 4.* Alii denique dicunt, quod hac in re certa nequeat tradi regula, sed quod loco deportationis judex imponere possit pœnam arbitriariam, juxta qualitatem facti & personæ, prout sibi convenire videtur, ita ut vel condemnatio ad tredecim annos in perpetuum, tum ad tempus, vel exilium, vel etiam alia pro gravitate delicti obtineat pœna, quam sententiam tueretur *Jul. Clar. q. 67. n. 8.* hæcque posterior & veritati & praxi convenientior est. Neque enim consulendum Judici, ut loco deportationis imponat pœnam mortis, nisi illam vel statutum locorum, vel consuetudo rationabilis approbaverit. Relegationem vero quod concernit, in ipsius locum exilium sive confinementem successisse, restatur *Jul. Clar. cit. loc. n. 9.* Cui quidem eatenus calculum addimus, quod hodierna praxis inter interdictionem & relegationem ut plurimum nullam agnoscat differentiam, sed quamcunque expulsionem à Republ. factum pro exilio sive relegatione habeat, ipsique jura Exulium hæcenus proposita applicet, ut ex traditis *On. Carpz. p. 3. Pr. Crim. q. 130. n. 13. & seq.* fusius patet. Nihilominus tamen & relegatorum in insulam exempla in iis ostendimus, qui propter delictum condemnantur, ut in Hungaria, aliisque certis provinciis, vel per tempus, vel etiam in perpetuum cum Turca aliisque Imperii hostibus pugnent, sicut & lata fuga hodiernum nonnulli pro re nata circumscribuntur, quorum absentia oislicit magis, quam prodest. Exempla sunt in promptu.

XXVI.

Quamvis vero juxta tradita th. anteced. in locum deportationis

mentiquam successerit bannum, quod vel inde sufficienter patet, quia iis ca-
 sibus, quibus deportatio quondam obtinuit, hodie banno non utimur, sed
 id propterea adinventum videmus, ne rei fugitivi & absentes, quibus poena
 ultimi supplicii imponi nequit, impuniti evadunt, sed vel ob crimen perpe-
 tratum vel etiam, si de eo nondum convicti sint, ob contumaciam in non
 comparendo coerceantur, atque ex provincia quadam proscribantur:
 Communiter tamen deportationi bannum æquiparatur, quia bannitis a-
 qua & igni interdicitur, (unde germ. einem Wasser und Weidt verbie-
 ten idem est ac in die Acht erklären,) perinde ut apud Romanos deporta-
 tis, ut tradit *Carpz. p. 3. Pr. Crim. q. 140. n. 14.* Sed hæc æquiparatio
 non nisi sano sensu procedit, cum haud parum nostrum bannum à depor-
 tatione differat, quin etiam, si accuratius rem intueamur, bannum impe-
 riale deportatione longe gravius est. Nam deportati licet civitatem & ea,
 quæ Juris civilis sunt, amittant, juxta antea dicta *§ l. 6. pr. ut § l. 14.*
§. 1. ff. de interd. & releg. l. 17. §. 1. ff. de pæn. illa tamen, quæ Juris
 Gentium sunt, retinent, *l. 17. §. 1. de pæn. & l. 15. pr. ff. de interd. &*
releg. Banniti vero non solum desinunt esse cives Romani Imperii, & per
 consequens privantur omnibus juribus civilibus, sed etiam omnia humani-
 tatis jura, officiorumque vicissitudines, bona & commercia, atque sic etiam
 ea, quæ Juris Gentium sunt, amittunt. *Ord. Cam. p. 2. tit. 10. §. 3. Gail.*
de Pac. publ. lib. 2. c. 1. n. 20. & seq. Blum. in Proc. Camer. tit. 19.
n. 190. Deportati porro manebant sub Imperii Romani ditione adeoq;
 etiam sub ejus tutela, *arg. l. 10. §. 6. de injus voc. l. 13. §. 1. de donat.*
int. vir. & uxor. l. 7. de leg. 3. l. 17. §. 5. ad Scæ. Trebell. l. 5. §. 1. &
ult. ff. de publ. jud. l. ult. pr. de pæn. l. 7. §. ult. de bon. damnat. l. 2.
C. de bon. proscrip. l. 12. §. 15. de capt. & postlim. revers. l. 4. §. 2.
de re mil. aliisve text. At banniti à tutela Imperii Romani prorsus ex-
 clusi sunt *R. I. de anno 1544. §. Wir haben 63. v. Wann er aber re.*
 Extra Imperium tamen Romanum inviolabiles existunt tam in persona,
 quam in bonis, quia Bannum Imperiale extra fines Imperii se extendere
 nequit, *arg. l. ult. ff. de Jurisd. Blum. in Proc. Camer. tit. 29. n. 85.*
 ubi dicit, quod bannito ex Imperio bona, quæ in Suecia, Dania, Anglia, Hi-
 spania, Hollandia aut alibi extra Imperium habent, salva maneant.

XXVI.

Alias Bannum partim Imperiale, partim etiam Provinciale est,
 Webm.

Wehn. in Observ. Pract. sub voce Bann. Gail. de Pac. Publ. lib. 2. c. 1. Sichard. ad l. 1. C. de hered. inst. Provinciale ultra Status bannientis territorium se non extendit, in ditione tamen ipsius tantum roboris habet, quantum Bannum universale in Imperio Romano. *Petr. Theod. in Coll. Crim. Disp. ult. th. 4. Carpz. p. 3. Pr. Crim. q. 140. n. 30. & 31. Imperiale* vero iterum subdividitur in *bannum* stricte sic dictum & *privatorem* omnium bonorum ac Jurium Imperii, quæ duo quidem in eo differunt, quod in banno præter offensionem bonorum etiam permitta sit offensus corporis seu personæ bannitæ; in privatione vero sola offensus bonorum sit licita. Quoad reliqua vero in omnibus coincidunt. Quapropter disposita in Constitutionibus Imperii de Banno, in privatione quoque obtinent. Et hæc privatio *in feminis* habet locum, ne condemnatae prostuantur, sed habeatur ratio verecundiæ ac pudoris, ut & *in Masculis Ecclesiasticis*, quia ratione personæ Pontifici Romano subsunt. Quare Cæsar eosdem banno Imperiali ferire nequit, si tamen feuda ab Imperio recognoscant, aliisque Imperii juribus fruuntur, iis privari possunt, quoniam eatenus Jurisdictioni Cæsareæ subsunt, quæ ratio efficit, ut & Ecclesiasticos Protestantes banni exilio subiciat *Blum. in Proc. Cam. dict. t. 29. n. 184. Dn. Strauch. Diff. Exot. 6. tb. 17. sub fin.* Cæteroquin à quoniam hoc bannum irrogetur, in quibus causis, (quarum quindecim numero recenset *Blum. in Proc. Cam. t. 29. n. 87. & seq.*) qua forma & modo, illud aliunde fufius constat. *Vid. Dn. Strauch. d. tb. 17. & 18.* Nobis hoc monuisse sufficiat, quod de modo procedendi *in Instrum. Pac. art. 8. §. 3.* ita cautam sit: *In proximis Comitibus &c. de modo & ordine in declarando uno vel altero Statu in Bannum Imperii, præter eum, qui alias in Constitutionibus Imperii descriptus est, tenendo, &c. ex communi Statuum consensu agatur & statuatur*, quam constitutionem adhuc hodie expectamus; Monitum autem fuit à Statibus. ut declaratio banni impofterum semper fiat in Comitibus universalibus, consensu omnium Statuum, ut Acta Comititalia Ratisbonensia testantur.

XXVII.

Jura circa hoc Exules bannitos recepta, si verum fateri velimus, tri-

missima sane sunt. Primo namque in bannum per sententiam declaratori-
am, quæ ubique requiritur, teste *Gail. l. 2. de pac. publ. §. 3. Dn. Strauch.*
d. thes. 18. condemnati infames redduntur. *Ord. Cam. part. 2. tit. 10. §.*
Und wo Er 3. (2) Feuda ac bona sua amittunt, *Ord. Cam. part. 2. tit. 9. §.*
So jemand 2. (3) Omnia jure ante & post Bannum quæ sita perdunt,
quare etiam omnes obligationes, juramenta & pacta ex parte bannitorum,
in quantum illis profunt, irrita fiunt. *Ord. Cam. d. s. vers. Darzu alle*
Verschreibungen, &c. (4) Aquæ & ignis interdictione puniuntur, ita ut
à nemine recipi possint. Quamobrem nemo ipsis potum subministrare,
quin potius quilibet eosdem averfari, detestari & velut hostes persequi de-
bet. *Ord. Cam. d. s. 10. §. und wo Er, &c. 3. (5.)* In banno ultra annum
subsistentes censura ecclesiastica notantur. *Käyserl. Landsf. de Ao. 1548.*
tit. von denen, die über Jahr und Tag in der Acht verharren. Quinimo
(6) ipsis sacris interdicitur. *Ord. Cam. p. 3. t. 48. §.* und ob die Obristen
9. Denique etiam omnium ludibrio & prædæ exponuntur, ut a quibusvis
tam quoad personam suam, quam in rebus & bonis impune offendi queant,
Ord. Cam. p. 2. tit. 9. §. **So jemand in verb.** Sollen des oder dersel-
ben Leib und Gut adermänniglich erlaubt seyn, und niemand daran
freveln oder verhandeln können oder mögen, quod autore *Julian. Ma-*
genborst. in Comm. ad Ord. Cam. d. tit. 5. §. adeo verum est, ut in Ju-
dicio Cameræ non decernatur securitas vel inhibitio. *Add. Guilielm. Ro-*
ding. Pandect. Cam. l. 1. t. 8. ejusque Comment. ubi plura de effectibus
banni proponuntur. *it. Dn. Strauch. d. Diss. 5. tb.* Si tamen mulier
bannita sit, pudori ejus impune illudi nequit; Neque enim stuprum &
adulterium pœnæ vice funguntur. *Anson. Matb. ad lib. 48. ff. t. 5. c. 2.*
n. 4.

XXIIX.

Exinde vero, quod exules banniti omnium prædæ expositi sint,
Dd. porro deducunt, eosdem salva conscientia impune à quovis occidi
posse, ut cum *Gail. de P. F. l. 2. c. 5. n. 12. & seq. statuit Blum. in Proc.*
Cam. tit. 29. n. 182. Consentit communis Dd. & Moralistarum Scho-
la, ut *ex Bart. Bald. Paul. Castr. Alber. Rosat. Jul. Clar. Fillius. Nell.*
à Sanct. Geminian. Laymann. Grot. lib. 2. c. 20. §. 17. sub fin. alisque
patet. Unde *Hennig. ad Grot. d. l.* colligit, quod quandoque utilitate
publica sic suadente, etiam privati executores justitiæ dari possint, imo
Dra-

Draconis lege permissum fuisse, exules propria autoritate capere & occidere, si scilicet in loco interdicto reperirentur, testatur *Petr. Gregor. Tholos. sapius cit. libr. c. 6. n. 18.* Restringit tamen hoc ipsum assertum *Anton. Matth. cit. c. 2. n. 2.* quod non obtineat in bannitis ab inferioribus Principibus. Licet enim jura Provinciæ, qua ipsis interdictum est, amittant, tamen fortunis suis nec spoliari, nec etiam impune à quovis occidi possunt. Cæteroquin cum omnium internecioni expositum esse, tristissimum sit, non nisi in seditiosis, rebellibus & refractariis hoc ipsum admittit homicidium. Quapropter ita proscriptos hominibus sacris æquiparat. Dicebatur vero sacer homo, cujus anima Diis destinata erat, & quia ad Deos pervenire non poterat, nisi soluta corpore, ideo hominem sacrum occidere fas fuit, teste *Macrobio*. Hinc *Festus* asserit, quod is, qui hominem à populo ob maleficium judicatum occidisset, in homicidii poenam non inciderit. Nam lege tribunitia prima cautum erat: *Si quis eum qui eo plebiscito sacer sit, occiderit, parricida ne sit.* Verum quicquid etiam in foro exteriori de hac internecione statuendum sit, nobis sane, præcipue in foro conscientiarum, non omnino tutus videtur, qui qualemcunque bannitum occidit. Quamvis enim in *Ord. Cam. p. 2. l. 9.* hæc inveniantur verba: *Sollen des oder derselben Leib, u.* illa tamen non ad quamvis occisionem, sed ad capturam potius spectant, ita ut si illam renuant, atque resistent, banniti etiam occidi possint. Nec enim singulis est concedendum, quod per Magistratum fieri debet, *l. 176. ff. de R. l.* præcipue si bannitus non resistat, sed sui capturam permittat, tunc enim judiciorum exposcit vigor, ne quisquam sibi indulgeat privatam vindictam *l. nullus 14. C. de Judæ.* etiam si alter sceleratissimus dicatur, ne prætextu zeli, Reipublicæ nomine suscepti, quis vindictam jecerat privatam. *l. fin. C. de Malef. & Matrem.* Quod etiam Senatui consulto Romæ sancitum fuit, teste *Petr. Greg. Tholos. cit. loc.* Quare & ipse *Filliuc.* postquam usum concedendi talem facultatem, ut proscripti publice, vel banniti à quolibet occidi possint, approbat, limitationis gratia sequentia addit verba: *Curandum tamen, ut absit animus vindictæ & odii, quod intercederet ob privatas offensiones.* Hinc duplici distinctione utitur *Anton. Matth. alleg. cit. 5. c. 2. n. 2.* (1) Num is, qui occidit Reipublicæ consultum voluerit; an vero publicæ devotionis prætextu privatas injurias ultum iverit (2) an omnino intersit Reipublicæ, casum quo-

quoquo modo tolli, ut quia ad patriam delendum hostili animo venit, a vero nullum ab eo Reipublicæ periculum immineat. Priori casu conscientia interficientem absolvit, quippe quæ suadet, ut hostem Reipublicæ opprimamus. Posteriori vero damnat, adeoque si nullum Reipublicæ imminet periculum, quiescendum esse, recta ratio suadet. Condemnavit quidem & hunc Respublica, sed permisit, non iussit occidere. Quare si nobis occurrat, repetamus mente illud *Seneca*:

*Res est sacra miser. Noli mea tangere fata,
Sacilegi bustis abstinere manus.*

Limitationibus hisce adhibitis, communis Dd, theorica tolerari potest.

XXIX.

Denique exilio necessario quodammodo æquiparatur migratio à Magistratu imposita, quando Magistratus subditis propter delictum venditionem bonorum & migrationem ex certo aliquo loco imponit, wann den Unterthanen auferlegt wird, ihre Güter unter den Gerichten zu verkaufen, und sich anderswohin zu wenden, quæ exilii species refractariis & ad rebellionem pronis subditis irrogari solet, de qua *vid. Carpz. Pr. Crim. p. 3. q. 130. n. 56. & Mey. ad Jus Lubec. l. 1. t. 1. art. 6. n. 28.* Simili modo hodie quibusdam in locis detrectatoribus munerum publicorum dictatur amissio habitationis in urbe, quæ tamen perinde ut migrationis impositio multum & quidem in eo à relegatione & exilio distat, quod huic obnoxiiis in civitatem redire non sit permixsum, ut supra dictum. Habitatione autem exclusis hospitii & commorandi jura non sunt denegata, sed incolatus saltem & usus civilium immunitatum atque beneficiorum tollitur. Atque hoc pœnæ genus Jure Civili incognitum esse tradit *Mey. ad Jus Lubec. cit. t. art. 6. n. 28.* Antiquis enim temporibus ejusmodi detrectatores ab Atheniensibus capite, à Romanis libertate, à Spartanis exilio mulcabantur, teste *Gumpelzb. apud Arum. de Jur. Publ. vol. 2. dist. 25. sb. 36. vid. Mey. alleg. loc.*

PARS POSTERIOR

Exilium miserabile ejusque jura proponit.

§. I.

HActenus, de *Exilio vituperabili*, ejusque Juribus. Restat, ut de *miserabili* agamus, quod ipsum ita vocamus, quia sine culpa patientium contingit, adeoque illos, qui hoc modo à Republica ejiciuntur, commiseratione dignos non immerito reddit. Est vero duplex, *vel voluntarium vel necessarium*. *Voluntarium* est, quando homo pristinae societatis actum exercens, vis majoris evitandae causa aliorum se recipit. Quosque vero spontanea ejusmodi migratio sit licita, ex modis, quibus quis in civitatem est receptus, dignoscendum venit. Quidam enim justo bello ducti, aut duro necessitatis telo adacti in civitatis alicujus ditionem concedunt, quorum libertas quae & quanta sit, ex legibus civitatis judicari oportet. Nonnulli vero, qui vel nullius ante imperio subjecti, vel eo, quo tenebantur, jam soluti sunt, sponte se civitati alicui adjungunt, & itidem ex statutis civitatis ejus judicandum erit, quidnam libertatis ipsis sit relictum; Dantur enim civitates, ex quibus citra expressum earundem consensum migrare non licet, & si maxime liceat, certo tamen onere licentia redimenda est, qualia statuta aut mores libertati derogantia omnino valida sunt, juxta *Grav. ad Gail. l. 2. Obs. 36. Confid. 2. n. 2. & Mev. ad Jus Lubec. lib. 1. Art. 2. num. 70.* Quod si vero nullae hac de re extiterint leges, quilibet civis hanc emigrandi licentiam ex Jure Naturae habere censetur, ut prolixius demonstrat *Pufend. de Jure Nat. & Gent. l. 8. c. 11. §. 2. Necessarium dicitur*, quando quis sine culpa praecedente ex Imperio aut ditione à Superiore ejicitur.

II.

Causa efficiens hujus exilii pro diversitate ipsius diversa quoque est: Causam namque voluntarii recte libertatem naturalem constitui, nemo unquam negabit. Quamvis enim patres familias, qui initio civitatis jus impetrarunt, non concivibus tantum, sed & Majestati, cui se semel subjecerunt, obligati sint, ac pacto se obstrinxisse intelligantur, quod vires suas in commune collaturi sint (unde etiam non videtur permissum, ut altera parte invita discedant, *Arnif. de Republ. lib. 1. c. 5. sect. 7. n. 18.*) attamen sicut aliis Societatibus renunciare potest socius, si modo id citra

E

dolum

Solum malum, non intempestive & in fraudem cæterorum fiat; Ita quoque juxta tradita *in lb. antec.* quis juribus alicujus civitatis, bello impri-
mis aliave necessitate adductus, renunciare atque sponte emigrare poterit,
adeoque pactum, si quod inter civem & recipiendum intercessit, ita expli-
candum est, ut quam minimum lædatur libertas naturalis. Qui enim civi-
tati se adjungit, ille sui, rerumque suarum cura haud se abdicat, sed id po-
tius agit, ut omnia facta tecta conservet. Cum tamen sæpius contingat, ut
publicum regimen privatis alicujus rationibus varias ob causas parum ex-
pediat, & alibi commodius iisdem prospici queat, minus vero commo-
dum, aut etiam impossibile sit, ad unius vel paucorum lubitum Rempubli-
cam reformare, ideoq; sine injuria licentia emigrandi denegari non potest
Pufend. d. l. 8. c. II. §. 2. Gros. de J. B. & P. lib. 2. c. 5. §. 24. n. 2.
Quod ipsum quoque Jus nostrum Civile agnoscit, quippe cujus ductu cives
aut subditi, qui natura liberi homines sunt, invitis Dominis & Superiori-
bus, Jus Civitatis resignare, alio migrare & civitatem petere possunt.
l. 5. §. fin. ff. de cap. & postlim. R. l. de anno 1555. §. Wo aber umfere
24. Gail. l. 2. Observ. 36. n. 4. Mev. d. l. n. 69. modo non malitiose
& in fraudem hæc renunciatio fiat, eo scil. tempore, ubi pro commodis
ante perceptis onera & pericula subeunda sunt, ut quis iisdem se subducatur,
l. incolæ 34. ff. ad municip. l. 1. C. de incol. Servanda enim hic regula
naturalis æquitatis, quam in privatis societatibus servari convenit, ut instar
illarum Civilis Societas non dirimi possit, nisi eo tempore, quo societatis
non interest, ut duret, cum magis quod huic, quam quod uni expedit, at-
tendi debeat. *l. actione 65. §. Labeo 5. ff. pro soc. Hug. Grot. d. lib. 2.*
c. 5. n. 24.

III.

Et hanc posteriorem limitationem in nostris quoque exulibus mi-
graturis obtinere censemus. Quamvis enim necessitas non habeat legem,
atque vel belli, vel etiam Superiorum iniquitas ipsis justissimam migrandi
præbeat causam, nihilominus tamen ex debito & decoro observare debent,
ut partim indicent discessum, cum civitatis plerumque intersit, nosse civi-
um numerum, partim etiam tempestivè migrationem suscipiant, quando
videlicet civitatis non peculiariter interest, ne discessus fiat. Semper quip-
pe, ut rectè inquit *Proculus in l. 65. §. Labeo 5. ff. pro soc.* non id, quod
privatim interest unius ex sociis, servari solet, sed quod societati expedit:
Interest autem societatis civilis, non abire civem, si magnum contractum
fit

fit res alienum, nisi paratus sit in præsens partem suam solvere; item, si fiducia multitudinis bellum sit susceptum, præsertim si obsidio immineat, nisi alium æque idoneum in locum suum substituat, qui Reipublicam defendat. *Grot. de J. B. & P. lib. 2. c. 5. §. 24. ibique Zigler. Pufend. d. l.* Atque huc spectare videntur argumenta, per quæ *Dn. Osiand. ad Grot. d. l.* evincere vult, cives invito Principe propter adamantinum vinculum, quo Imperantes & subditi constringuntur, discedere non posse. Sed vero *an gregatim discedere possint*, quæritur? Sane in thesi id negant Moralistæ, cum societas civilis hoc modo subsistere nequeat, secundum *Grot. lib. 2. c. 5. §. 24. n. 2.* Et quamvis nonnulli, quos inter *Pufendorf. d. lib. 8. c. II. §. 4.* huic asserto Grotiano parum roboris inesse credant, propterea quod societas civilis non videatur tolli, licet hæc vel illa civitas per migrationem civium gregatim factam insigniter debilitetur, aut tandem plane desoletur, cum unius Reipublicæ decrementsa alteri parere soleant incrementa; Grotio tamen suffragantur illa, quæ antea dicta sunt, *sempestive scilicet fieri debere discessum & quando Civitatis peculiariter non interest, ne is fiat*; at vero maxime ejus interest, ne ejus corruptio totalis alterius sit generatio. Unde in hypothesi, quoad nostrum casum, migrationem gregatim factam superior quidem, si boni publici conservatio atque inevitabilis mali propullandi necessitas suadeat, prohibere potest, sed ut migraturis iterum succurrat, gravaminaque tollat, æquitas maxime exposcit, cum & alias multi statuunt, quod ne quidem statuto introduci possit, ne quis domicilium mutet, quam sententiam post *Schepliz. ad consuet. Brandeb. Ritter. de homag. Besold. in Thesaur. Francisc. de Amay. & Klock. de vectig. occasione l. 28. §. 1. ex quib. caus. major. & l. 71. §. 2. de condit. & demonstr.* defendit *Nicol. Myler. in addit. ad Rumelin. dissert. ad A. B. p. 2. Dissert. 5. tb. 5. lit. A.* Quamvis contrarium tueantur *Rum. d. th. 5. Bodin. lib. I. de Republ. c. 6. Menoch. Consil. 1176.* ubi multis defendit rationibus statutum Ducis Parmensis, qui subditis suis interdixit, ne è civitatibus suæ Jurisdictioni subjectis emigrarent, quæ posterior sententia certo modo verior est, neque enim negamus talibus pactis intrari posse civitatem, & mores vim pacti accipere, sunt verba *Grot. in hac ipsa materia lib. 2. c. 5. §. 24.*

2. l.

E 2

IV.

Necessarium vero à Superiore imponitur. Ubi non incommode quaeritur: *An Civitas vel Respublica nullo precedente delicto civem invitum pro arbitrio suo expellere possit?* Quod merito negandum; quia arbitrium excludendi aliquem à Civitate haud cæcum & omnino liberum, sed rationi adstrictum esse debet, cum non levis injuria in eos redundet, qui sine omni ratione excluduntur. Nec enim merum Magistratus est beneficium, fieri civem, sed libertas potius communis, cujus favor probabilis semper est, ut neminem ea fraudare vel privare temere liceat *l. un. C. de SC. Claud. toll.* Utilitati quoque Reipublicæ hoc ipsum refragatur, quæ amplianda potius, quam minuenda *l. pan. C. comm. de manumiss.* Denique Superiorum quam maxime interest, augeri magis imperium hominum adjectione, quam pecuniarum copia *l. cum ratio 7. §. si plures 3. ff. de bon. damn. vid. Mev. ad Jus Lubec. lib. 1. tit. 2. art. 2. n. 57. in addit.* Hinc Cicero inter fundamenta libertatis posuit, ne quis invitus civitate privaretur. Neque ideo deterior sit conditio civitatis, quam singulorum civium, quod hi pro lubitu migrare possint, illa vero invitos expellere nequeat. Qui enim in civitatem quandam se recepit, omnes suas rationes saltem in præsens eidem velut illigat, quæ tamen turbari semper possent, si quolibet tempore expulsio subditorum esset licita. Quare eum hoc odiosum sit, civis à civitate quasi stipulari intelligitur, ne invitus præter meritum ejiciatur. Contra vero Civitas fortunas suas & incolumitatem uni alterive vulgari civi non superstruxit, adeoque nihil, aut parum ipsius interest, si is pro lubitu emigret. Nec invidendum est civi, quod hic plusculum ei liceat, quam civitati, nam ubi ille ad arbitrium civitatis sese non composuerit, facile in ordinem redigi poterit; civi vero, si Reipublicæ administratio ipsi displicuerit, nihil aliud relictum est, quam patientia aut emigratio. *Pufend. de Jur. Nat. & Gent. lib. 8. c. 11. §. 6.* Quævis vero Superior pro suo arbitrio subditos expellere nequeat, nihilominus tamen aliud remedium minus odiosum habet, per quod cives suspectos aut supervacuos amoliri potest, ut cæteris laxior locus fiat, si scilicet eos in colonias transferbat, quæ coloniarum regiones hominum multitudine laborantes ita exonerant, ut populi, hominibus quondam abundantes, hoc remedio a fece populi sese optime liberaverint. *Add. Dr. Conring. in Coll. MSS. de Civ. Sing. Rerump. Prud. ad Hispan.* Verum & hoc remedio

medio licito neglecto, sæpius etiam innocentissimos in exilium miserabile per multa retro secula, tum penes Græcos tum penes Romanos & Germanos, a Superioribus deprehendimus ejectos *Add. illa, quæ part. 1. huj. Dissert. 16, 7. proposita sunt.*

V.

Subiectum hujus exilii sunt vel *persona publica, vel privata.* Illius generis sunt Reges vel Principes a subditis suis pulsi, qui utcumque possessionem amiserint, Jus Regni tamen retinent, teste *Grot. l. 2. de J. B. & P. c. 16. n. 17.* quia vi ejectus perinde habetur, ac si possideret, cum interdicto recuperandæ possessionis potestatem habeat repetendi, & spoliatus ante omnia restituendus sit, *l. si quis 7. C. und. vi. l. 22. ff. de acquir. vel amitt. possess.* adde, quod improba & violenta possessio possessori suo prodesse non debeat, *l. 7. C. de acquir. possess.* Hinc tota die videmus, quemadmodum Principes vi dejecti, aut alias prætensionem in regionem quandam foventes mordicus retinere soleant titulos, quod & olim non infrequens fuisse exempla passim ostendunt. *Vid. Herm. Hermies in fasc. Jur. Publ. c. 6. quest. 27.* ubi concludit, Electorem ditione Electorali a subditis suis rebellibus exclusum, nihilominus votum & fessionem in Collegio Electorali retinere. Dissentit quidem *Job. Frider. Horn. de civit. l. 2. c. 9. §. ult.* qui existimat, ipsa actualis invasoris possessione & dejectione veri Regis imperium ad invasorem transferri, unde *d. §. 21. n. 1. & seq.* talia proponit verba: *Quam primum occupator & invasor Majestatem possidet, pristinus imperans excluditur. Duo in solidum Majestatem non participant. Quamdiu Princeps Majestatem habet, alius nemo eandem ad se trahit, quando vero alius possidet jam alter amisit. Denique etiam n. 10. & seq. concludit: Sive taceat pridem possessor, videtur donasse imperandi facultatem, sive bello petat invasorem, tamdiu retinet ille imperium in subjugatos, donec pari vi aut pactorum conditionibus iterum amittat. Nec injustitia causa imperium tollit, quia hoc semper a Deo, non a bello est, sicut per bellum &c.* Verum quicquid etiam statuatur, æquior est sententia, apud legitimum Regem exulem manere imperium, nec transire ad invasorem prius, quam & ipsum imperantem sibi

subjecerit. Neque enim propterea, quod populum sub jugum misit, imperium adeptus est, quod non apud populum sed Regem fuit, qui in fidem invaloris nondum venit. Neque Deus legitimum Principem ante realem subjectionem privare imperio illudque in illegitimum invasorem conferre voluisse censendus est. Imo vero ex Horniana sententia hoc sequeretur iniquitatis, fas non esse subditis, legitimum dominum in recuperatione regni adjuvare, quia scilicet obsequium latroni violento debent. Nec statim sequitur, si taceat pridem possessor, videri donasse imperandi facultatem, quia alia voluntatis signa accedant, necesse est. Quid si enim Regi idonez vires & auxilia nondum adsint, anne statim donasse censetur? Minime vero; sed expectasse videtur commodius tempus repetendi regnum suum. Aliud obtinet in populo libero, si vel expresse vel tacite invasionem prædonis legitimaverit. *vid. Horn. d. c. 9. §. 3. ibique Achilles Epstein. in not. add. §. n. 28.*

VI.

Persona privata ejiciuntur vel per vim Superioris, vel etiam propter religionis dissidium. Si per vim Superioris ejiciantur, rectissime faciunt, si occulto Dei judicio morem gerant, nec Principi suo, quamvis potestate divinitus sibi concessa abutenti, resistent, cum nec naturale nec divinum jus ullam ipsis in Principis personam concedat licentiam, *vid. Grot. l. 1. de J. B. ad P. c. 4. n. 1. & 2. Carpz. de Leg. Reg. Germ. c. 14. sect. 1. & 2.* Superiori quidem seculo hac de re valde disputatum fuit tam in patria nostra, quam imprimis in Gallia. Præcipuam malitiz operam navavit *Buchananus* cum aliis assoclis: Hos tamen *Guilielmus Barclajus* in elegantissimo contra Monarchomachos profligavit libello. Illud sane apud omnes extra controversiam est, si quid Superiores impèrent, quod divino & naturali juri contrarium est, præceptis eorum non esse standum, cum, ex Apostoli doctrina, Deo magis, quam hominibus obediendum sit. At vero, si in tali casu, quod Superiori Majestatem habenti ita libeat, injuria nobis inferatur, ea potius toleranda est, quam vi resistendum. Non igitur facere possumus cum *Prosper. Farinac. in Pr. Crim. & c. org. Obrecht. de defens.* quos sequitur *Berlich. p. 4. Concl. 12. n. 10.* statuentibus, subditum posse summum Principem propter offensam impune occidere. Verior est contraria Grotii aliorumque sententia, inter quos epinet *Jul. Clar. lib. 5. Sens. §. homicidium n. 30.* Hinc

Hinc omnium optime tria remedia contra Principis absoluti tyrannidem subditis concessa proponit *Dn. Carpoz. ad Leg. Reg. Germ. c. 14. sect. 2. per tot.* dum primo ad preces confugiendum esse suadet, quas propterea Christianorum arma vocat Nazianzenus; *Secunda ad supplicationes*, quo medio Esther & Mardochæus a cervicibus Judæorum periculum averterunt, quod vi non ausi fuissent, vel etiam seditionibus remorari horruissent, *Estb. 3. Tertio ad fugam* qua Christiani sibi potius consulant, quam injustam vim contra Principem suscipiant, plurimorum priorum virorum, veluti *Moyssis, Davidis, Elia, &c.* exemplo. Incidente itaque tali casu & urgentibus gravissimis regni fatis magna prudentia & moderatione opus, ne eo deveniatur, ut Rex vel Princeps legitime constitutus, unctus & coronatus, vi armisque a Proceribus solio deiciatur, vel prorsus, quod grave dictu, interficiatur. Divino enim, Gentium, suoque quasi jure Reges inviolabiles & quodammodo sacrosancti censendi sunt, eorumque sanguis adeo sanctus æstimandus, ut eundem profundere nefas sit. *Reink. de R. S. & Eccles. lib. 1. class. 1. c. 5. n. 94. & seq.* Neque enim eiusmodi cædes & invasiones, etiam si aliquam quandoque iustitiæ speciem præ se tulerint, Deus impunitas reliquit. Tutissima ergo Taciti est sententia: *Bonos Principes optandos, qualescunque non aliter ac sterilitatem cæteraque natura mala tolerandos.*

VII.

Quare apposite admodum *Forstner. in Not. ad lib. 1. Ann. Tacit. pag. m. 39.* Etiam magnum, inquit, contra percussores tyrannorum aut quorumcunque principum præjudiciū est occultum Dei judicium. Miramur sæpe & cum horrore occulto intuemur Dei Optimi Maximi iustitiam, principum, hoc est, vicariorum suorum injurias cedesque severissime vindicantem. Plena sunt omnes historia salū exemplorum, sed ego maxime eminentia adducam: Percussorum Caesaris, neque triennio quispiam amplius supervixit, neque sua morte defunctus est: Dammati omnes, alius alio casu perierunt pars naufragio, pars pralio, nonnulli eodem pugione, quo Casarem violaverant, interfecti fuere &c. Hactenus *Forstner.* qui plura exempla, præsertim de exercitu ingenti, qui deserto *Maurisio* ad *Phocam* tyrannum descendit, adeoque miserrimæ necis *Maurisii* causa fuit, addu-

adducit. Totum hoc negotium multas adhuc habet difficultates, unde & *Boxborn. in Instit. Polit.* existimat, ubi ad summum iniquitatis gradum tyrannis Principum evecta, ac modestia patientia & supplicationibus nihil profectum est, tollere eos, aut ejicere, eorumque imperium exuere omnino licitum esse. Enimvero nemo ignorat, *Boxbornium* hæc atque alia studio Reipublicæ suæ scripsisse, unde quoque modestius nonnulli sentiunt, dum perpensis utrinque rationibus judicium suspendere malunt, quam certi quid determinare, quos inter *Dn. Forstn. d. l. p. m. 39. Verum quia Grot. de J. B. & P. l. I. c. 3. per tot.* omnes difficultates enucleate superavit, non iniquæ ejus vestigia legimus. Majoris declarationis gratia post *Georg. Franz. de potest. Princip. lb. 94. & seq. apud Arum. de Jur. Publ. vol. 4. disc. 42.* nonnulli distinguendum esse ducunt malum Principem ab everfore Reipublicæ, ita, ut propter illius vitia subditis permissum non sit debitam observantiam deponere; exempli loco sistunt Davidem adulterum & innocentis Uriæ necem procurantem; hujus vero exitiosis consiliis omnino resistendum esse arbitrantur, cui lentitæ suffragari videtur *Grot. d. c. 4. §. II.* Cum tamen & populus rerum præsentium sapius portæsus spe melioris regiminis Regem suum, præter meritum ut plurimum, satis promte pro hoste habeat, non obstante quod argumenta hanc in rem adducta Principem non tam hostem, quam pessime tantum imperantem ostendant, ideo nec hæc distinctio dubiis caret. *Add. Hennig. ad Grot. lib. 1. c. 4.* ubi in hac quæstione omni rite tractata plura ad scopum nostrum facientia proponit.

VIII.

Exulibus per vim Superiorum ejectis æquiparantur illi, qui per *Ostracismum* expulsi sunt, teste siquidem *Aristot. 3. Polit. Ostracismus* apud civitates quasdam populi imperio gubernatas receptus est, quo tollebant e civitate & in exilium ad tempus certum ejiciebant eos, qui supereminebant, ob æqualitatem, quam amplectebantur, conservandam, & ad tollendam unius vel alterius *ὑπεροχήν*, id est, excellentiam aut nimiam potentiam, quam assectare videbantur, vel propter divitias, vel amicos vel aliam aliquam potentiam civilem, & hoc genus relegationis apud Athenienses tam frequens fuit, ut quoad Atheniensium Reipublicam Ostracismum probet *Aristot. d. l.* propterea quod ille status viros magnos & virtutē conspicuos non ferat, sive quod virtute sua inbecillitatem exprobrat

brent multitudini, five quod opinione virtutis suæ rapiendi illam, quo voluerint, copiam habeant, five quod non præsumantur iniquum populi dominium diutius perituri, quam necessitas cogat, & donec occasio immutandi offeratur. *Arisf. de Republ. lib. 2. c. 7. sect. 2. n. 55.* Neutiquam igitur propter improbitatem, sed propter nimiam potentiam hoc exilium imponebatur, es war eine Verweisung auf eine Zeitlang dier, so gewaltig worden, unde quoque à *Cellar. l. 2. Pol. c. 20. §. 7. describitur, quod sit relegatio in certum locum ad certum tempus sine tamen infamia, saltemus gratia imminuatur.* Sic Hermodorus Ephesius exulare iussus est, quod vir probus esset. *Cic. 5. Tusc.* Ei tamen postmodum Romæ statua posita fuit, quod autor fuisset legum à Græcis petendarum. *Pompon. in l. 2. §. postea ne diutius 4. ff. de Orig. Jur. Petr. Gregor. Tholos. in Syn. Jur. univ. lib. 31. c. 6. n. 6.* Autor ipsius perhibetur esse Clistenes, qui & ipse primus fuit, in quem hoc à testula iudicium est exercitum, juxta *Micra. in Syn. Histor. Polit. lib. 1. sect. 3. quest. 18. pag. m. 94.* Vocatur alias iudicium testularum, i. e. calculorum. Unde *Corn. Nep. in Cimon. c. 3. sestiarum, inquit, suffragiis, quod illi Ostracismus vocans, decem annorum exilio multatus est.* An vero hoc exilium iustum fuerit nec ne, intricata quæstio est, cui ut satisficiant, multi respondent distinguendo inter *iustum Ethice & Politice* consideratum, non quidem quoad statum Reipubl. rectum, bonumque, sed quoad vitiosum & corruptum, ita ut Ostracismus *in se & ratione iustitia Ethice* non sit iustus, neque etiam quoad Rempublicam rectam & perfectam; iustus tamen *ratione finis & iustitia Politice* in Republica corrupta. Verum exinde sufficienter constat, quod omnino rejiciendus sit.

IX.

Secundo ejiciuntur personæ privatæ ut plurimum propter religionis diversitatem. Hinc locus nos invitat ad tractationem illius tantopere de religionum libertate exagitæ quæstionis. Sed, (liceat uti verbis celeberrimi *Forss. in Not. l. 2. Ann. Tac. p. m. 368.* in hac ipsa materia prolatis) *horreo profecto, me immiscere tam vasto gurgiti.* Igitur, cum non omnino liqueat, paucis hoc ipsum monuisse sufficiat: Multos de libertate divini cultus ita differere, quasi illa cujusvis arbitrio penitus relinquit debeat, atque nullius imperio subiecta sit, quales sententiæ non tan-

um nostri xvi perquam multis, sed & primæ Ecclesiæ optimis Magistris exciderunt. Hinc & *Grot. de J. B. & P. lib. 2. c. 20. §. 48. n. 1.* neminem ad religionem Christianam cogendum esse asserit. Argumenta huius assertionis refert celeberrimus nostri xvi Politicus *Dn. Conring. in Dissert. de aut. & off. Majest. Civil. circa sacra tb. 23. & 24.* Enimvero ut ut speciosa videantur, parum tamen in recessu habent; Humani enim esse arbitrii, unumquemque, quod sibi visum fuerit, colere, id profecto adversatur communi sententiæ omnium pene Rerum publicarum. Omnes quippe circa cultum divinum nonnulla constituerunt, pœna in delinquentes adiecta, quod latius deducit *Dn. Conring. c. l.* Unde oppido patet, hominem circa cultum divinum legibus atque imperio uti debere. Cuinam vero talis potestas competat, adhuc controversum est, cum non desint, qui Christianæ Majestati idius omne denegent: Nonnulli enim curam sacrorum uni & soli Pontifici Romano attribuunt, quasi verò totus Christianus orbis quoad cultum divinum ab illo unice dependeret. Alii non soli tribuunt Pontifici, sed & Episcopis, quam sententiam amplectuntur, qui Pontificem Romanum Episcoporum concilio aut subiiciunt, aut non nisi concilii caput agnoscunt, quales sunt in Gallia præcipue, quibus proxime accedunt ex Protestantibus illi, qui potestatem circa sacra Ecclesiæ Ministris aut Pastoribus attribuunt, quæ opinio primum Genevæ, Calvino & Beza autoribus, exorta, inde passim disseminata est, ut in Anglia Puritanismi præcipuam constituat partem. Verum hi omnes civili Majestati multum derogant. Certo enim certius est, quod civili Majestati per se illud competat, sine quo scopus Rerum publicarum obtineri nequit: Jam vero impossibile est, ut vel vera felicitas civilis comparari vel integræ servari possit citra ἀρχιτεκτονικήν potestatem in religionis negotio & absque cultu divino, Unde necessario fluit, non posse non Majestati civili per se & ex sua natura competere summam potestatem circa cultum sacrum, quantum illa ab homine exerceri potest, aut debet. Quomodo autem hoc ipsum contingat, eleganter per tres hypotheses deducit *Dn. Conring. d. tract. tb. 15. 16. & 17.*

X.

Neque hæc ipsa cura religionis, ex ipso Jure Naturæ proficiscens, solummodo quoad religionem naturalem, de qua *Dn. Conring. d. tract. abes. II. & seq.* Magistratus officio incumbit, sed & quoad Christianam.

Cura

Om̃ enim hæc posterior auxilia largiatur Spiritus Sancti, quibus quis aditus recte vitam instituire potest, atque nihil virtutis, nihil pietatis naturalis sit, quod non sanctissime exigat, ideoque omnes curæ in eo defixæ esse debent, ut in Republica locum inveniatur. Sed quomodo a Maiestate civili curari debeat, id plenum difficultatis opus est, num eodem modo, ut naturalis, (hanc enim imperari posse civibus *Dn. Conring. laud. tract. tb. 68. & 69.* solide demonstrat,) an vero alio. Multi existimant, per vim cogere licere subditos, si detrectent fidem illam amplecti. Alii neminem invitum adigendum, incredulos tamen ex civium numero expellendos esse putant. Alii vero neutrum concedunt, Maiestatis tamen officium esse asserunt, ut bona institutione & doctrina negotium fidei quam fidelissimo promoveat, quæ sententiæ & æquitati & veritati conformior esse videatur. Dantur enim modi liciti, cives ad Christum perducendi, iique triplicis sunt generis iuxta *Dn. Conring. d. tract. tb. 106.* Quoniam tamen per remedia licita illud non semper à Maiestate civili obtineri potest, ut vera religio in tota civitate unice obtineat, prævalentibus vel avitis erroribus vel etiam multitudine errantium, disidentes mitius tractandi sunt. Nec aliter adversus paganos, quorum tamen religio tota impietate & superstitione inquinata fuit, primi Christiani Cæsares egerunt. Namque Constantino satis fuit, templa eorum claudere, nec iuniores Imperatores ulterius progressos esse liquet *extot. tit. C. de pagan. ejusque l. 6.* qua diserte pagani quiete viventes, prætextu religionis, iniuria affici prohibentur.

XI

Quæ iam de propagatione fidei Christianæ dicta sunt, ad eiusdem disfidium tollendum convenienti modo applicari possunt. Competit quidem &que Magistratui hoc, ut pro virili det operam, ne quæ sint inter Christianos cives de fide disidentes sententiæ. Quemadmodum enim alias, ita quoque circa fidei negotium concordia nihil est felicius, suavius nihil; quare mediis ante laudatis hac in re Superior uti poterit. Quod si vero nec hoc modo schismata & hæreses prohiberi possint, quid tunc Maiestati liceat, valde dubium reddidere variorum sententiæ, quarum ab omni parte hodie haud exigua est autoritas. Et quidem quod Maiestati civili conveniat, non permittere, ut seditiose ac turbulente veritas oppugnetur, certum est, perinde ut illud, quod Superior operam dare debeat, ut hæretici aut errantes, quotquot fuerint, sedula ac pia doctrina in viam reducantur. Num

vero vi quadam uti liceat adversus hæreticos aut schismaticos, prout nonnulli statuunt, ac ex *p. l. buj. Dissert. tb. 17. & 18.* patet, valde dubium est. Negativam non absque ratione propugnat. *Dn. Couring. d. tract. tbef. 17.* Quod si enim diversis iam sectis repleta sit Respubl. vel Proceres Regni in Religione disidentes de potestate participant, aut Superior per leges Imperii fundamentales se ad diversarum Religionum tolerantiam obstrinxerit, tolerandi potius sunt disidentes, quam iugulandi aut eiciendi, modo privatim solummodo errent, ceteroquin vero neminem turbent, nec errores suos spargant, Magistratui obtemperent, oneraque civilia æque ac alii non inviti subeant. Alias enim licite expelli possunt, per tradita *part. prior. buj. Dissert. tbef. 17.* Cavendum quoque ne tolerantur aperta blasphemia in SS, Trinitatem. Autonomia enim religionis non hoc inducit, quod promiscue variz sectz tolerandz sint, aut quis id, quod vano spiritu concepit, vel quod in Libertinismum aut Samaritanismum abit (qui ex Religionis pietate larvam facit) publice profiteatur, sed hoc tantum, quod exigente necessitate plures in Republica tolerari possint religiones, dummodo vera non impediatur, *Dn. Fritsch, in Mau. Jur. Publ. sub voc. Autonomia relig.* Et hæc quidem obtinent in civibus, h. e. in iis, qui ius civitatis iam acquisitum habent, inde tamen non sequitur, parem esse rationem omnium, etiam peregrinorum. Quum enim illi levioribus quoque de causis arceri civitate possint, nihil fortassis injuriæ habebit, si hæretici non admittantur, præcipue quando ab iis multum mali et si non civilis, spiritualis tamen imminet. Alia sane est conditio eorum, qui errant quidem, sed ita tamen ut hæreticorum homine haud veniant. Hæc in thesi sufficiant. In hypothesi vero, quoad nostrum Imperium, comuni hactenus universa iter recepta praxi ius religionis & reformandi Imperii Ordinibus immediatis, iure Superioritatis territorialis, ita competit, ut *ejus dicatur religio, cujus est regio*, sicque quilibet Status & Dominus territorii ius reformandi habet quoad subditos suos, sive isti sint Comites, Barones, Nobiles, Vasalli, Civitates, Communitates, Monasteria, Commendæ, sive alii privati, iuxta *Instr. Pac. art. 5. §. 29.* Est tamen hæc reformandi potestas quandeque *pactis atque reversalibus* Superiorum regimen suscipientium limitata, *Vid. Instrum. Pac. art. 5. §. Pacta autem 33. it. art. 7. vers. salvis semper Statutum &c.* his vero deficientibus (1) ad *verbum divinum*, ita ut Superiores in indicando

do & statuendo de religione sanis Theologorum Consiliis utantur, *Carpz. lib. 1. Jurispr. Consist. d. 5. (2) per terminum anni 1624. (3) per emigrandi beneficium*, unde postmodum hoc nostrum profluit exilium restricta. Denique his nostris exilibus ferre æquiparantur illi, qui per belli calamitates à prædiis & possessionibus dejiciuntur, & ad evitandam militum sævitiam alio se convertunt, quorum ingens copia non in superiori tantum bello, quod universam Germaniam inundavit, extitit, sed & hodierno, quo cheu! nimium quantum atterimur, sese nobis offert.

XII.

Subjecto hujus exilii considerato, varia jura circa exules occurrentia perlustrabimus. Illa vero sunt vel *communia vel specialia exulium* ex hac vel illa, præcipue vero religionis causa. *Communia* iterum descendunt vel ex Jure Naturæ, vel ex Jure Civili, atque sequentia ferre sunt, (1) quod sponte discedentes impediri nequeant, ut ex *th. 2. huj. part. poster.* sufficienter patet. Ut ut vero hæc libera emigratio propterea restringenda esse videatur, quod præter concives etiam Majestati sit obligatus civis, cui se & sua semel subjecit bona, adeo, ut libere invita parte discedere nequeat, cum pacta etiam Jure Naturæ sint servanda; Attamen hoc dubium jam in antecedentibus fufius resolutum est. Quare firmiter stat talo nostra sententia quod libertas renunciandi subito adimenda non sit, quamvis invito Superiore suscipiatur *l. 31. ff. ad mun.* modo tempestivè fiat, quia receptio in civitatem est beneficium, quod quis invitatus nec acquirit, nec retinet, *l. 69. ff. de R. I. l. hoc jure 19. §. non potest. 2. ff. de donat.* Eleganter hoc illustrat *Cic. in orat. pro Corn. Balb. firmissima libertatis fundamenta*, dicens, *sui quemque juris & retinendi & dimittendi Dominum esse*, præclaraque ac divinitus comparata jura asserens, ne quis invitatus civitate privetur, neque in civitate maneat invitatus. Et hæc opinio multorum quoque Jctorum calculo approbata est, *vid. Ernest. Cotbmanu. Respons. Academ. 10 n. 4. Arum. disc. 6. ad A. B. tb. 12. Observ. 36. v. 4. Rummel. ad A. B. p. 2. Differs. 5. q. 5.*

XIII.

Sed hic liber discessus non nisi præstitis præstandis fieri debet, unde in locis, ubi gabella, vulgo *Nachsteuer* oder *Absehof* recepta est, nec exules ex causa miserabili ab ejus præstatione immunes sunt, Tenentur enim

omnes omnino homines præter exceptos, quos inter tamen exules non recensentur, si bona alio transferant, sive sint Nobiles, sive plebei, gabellam solvere, dummodo generali consuetudine Provinciæ jus detractiois introductum sit. *Berlich. p. 3. conclus. pract. 52. n. 22.* Et quidem de sponte emigrantibus nullum forsitan est dubium. Utrum vero necessitate coacti bona sua distrahentes, vel præter culpam in exilium ejecti, tributum migrationis solvere teneantur, nec ne, altioris momenti controversia est? Multi iique non infimi sublellii Dd. id negant, ex ratione, quod jus detractiois instar laudemii sese habeat, sicut vero is, qui vi vel necessitate ad venditionem cogitur, laudemium solvere non tenetur, *Jason. ad l. ult. C. de jur. empbyt. n. 48. Berlich. p. 3. concl. 52. n. 13.* Ita quoque vi ejectum ad solvendum gabellam nequitiam obstrictum esse putant. Unde quoque Magistratum à subditis, quos ob religionem è ditione eiecit, ac bona sua vendere vel alio transferre coegit, hoc migrationis tributum exigere non posse, asserit *Berlich. d. l. & ita de subditis, religionis causa invite emigrantibus* decisum esse in Camera Imperiali refert *Reichwein in form. Alleg. a Rumelin. d. l. q. 6.* Contrarium vero asserit, *Besold. in Thes. Pract. voc. Abjug.* autoritate *Recess. Imp. de ann. 1555. §. Wo aber unsere 24. in verb. gegenziemlichen willigen Abtrag der Nachsteuer, wie es eines jeden Orts von alters her üblich herbracht und gehalten worden, 1c.* Accedit *Instrum. Pac. art. 5. §. conventum 36.* ex quo patet, quod subditi, sive voluntarie, sive coacte emigrantes, injustis decimationibus non onerari debeant; ergo justis poterunt, sicubi moris sit, propter discessum & emigrationem aliquid pendere, & ita in praxi observari, testis est *Myler. de Princip. & Stat. Imp. c. 63.* Confirmat hæc omnia *Ernest. Corbman. cit. Respons. Acad. 19. in verbis: Hæc decimatio non eo solo casu, quo aliquis pietatis & conscientie causa ac religionis vera amore emigrandi beneficio flebili & lamentabili utitur, & relietis possessionibus & cognatis velut in exilium discedis d. §. Wo aber unsere, sed & aliis casibus, quibus aliquis sponte domicilium mutat, solvenda est. Add. Gail. lib. 2. Observ. 35. n. 9. it. Observ. 36. n. 10. ibique Gravé. Confid. 2. n. 2. & 3.* Quod si tamen propter religionem emigrantes retentis bonis locum mutant, copia ipsis est, per ministros administrare & quoties ratio id postulat, ad res suas inspiciendas aut persequen-

quendas lites vel debita exigenda libere & sine commentus literis adire.
Instrum. Pac. d. art. §. Quod si vero subditus 35. Illi denique qui ex
 necessitate, in quam ipsi se coniecerunt, puta ob delictum, è civitate migra-
 re coguntur, ad gabellæ solutionem extra omne dubium adstricti sunt.
*arg. l. interdum 36. in fin. ff. de judic. l. si fidejussor. 7. §. 1. ff. qui sa-
 tis d. cog. Rumelin. ad A. B. d. l. q. 6.*

XIV.

Porro Exulibus migraturis transitus per territorium denegari ne-
 quit. Quamvis enim constet, quod territorii domini prohibere possint, ne
 quis exterius illuc transeat, vel non aliter transeat, nisi certa lege certoque
 onere, cum viæ publicæ sint pars territorii, ut Superioribus jus de viis dis-
 ponendi competat; illud tamen non indistincte exercendum est, sed tum
 demum, si iustus metus à transeuntibus inferatur, quod de magnorum ex-
 ercituum transitu dicendum est. Equidem *Grot. de J. B. & P. lib. 2. c. 2.*
§. 13. nec hoc in casu transitum denegandum esse asserit; quia tamen
 communis viæ usus & libertas transeundi, præsertim concurrente metu,
 ita temperari debet, ut Reipubl. causa potior habeatur, *Zigler. ad Grot.*
d. l. ideoque transitio exercitus non aliter, nisi certis temperamentis ad-
 mittenda erit, v. g. si iusta postulandi transitus sit causa, ac transitus signifi-
 cetur & præterea absque dolo petatur eo in loco, ubi proxime & commo-
 distime fieri potest; Denique ut modus transitioni adjiciatur, qui in eo
 consistit, ut securus & à metu suppressionis vacuus sit is, per cuius territo-
 rium transitur, ac indemnitas servetur à rapinis, concussionibus ac incendiis,
 quæ duæ cautiones tum ipsum Superiorem ejusque statum, tum etiam sub-
 ditos eorumque bona concernunt, atque tunc expeditius obtinentur, si non
 totus exercitus, sed turmatim transmittatur, ut passim Dd. tradunt. *Add.*
Pufend. de Jur. Nat. lib. 3. c. 3. §. 5. Hennig. ad Grot. d. §. 13. Quod
 si vero de transitu privatorum loquamur, talis metus non subest. Unde si
 pauci & inerimes transire suoque sumtu victitare velint, quin transitus ipsis
 concedi debeat, nullum est dubium, præcipue si ob honestam aut necessa-
 riam causam eo velint uti, ad quam imprimis spectat, si finibus suis expul-
 si & in exilium ejecti alias sedes quærant. Hinc ne quidem exulibus ex vi-
 tuperabili causa, quamdiu inter innoxiam utilitatem permanent, ob com-
 munem hominum inter se obligationem, transitus denegandus est. *Vid.*
Pufend. d. l. & in Elem. Jurispr. lib. 1. def. 5, §. 6.

XV.

Præter transitum Exulibus quoque ab aliis territorii Dominis habitatio optimo iure concedi potest. Quod si enim subditos singulos ex altera ditione in alteram migrantes suscipere non est contra amicitiam, teste *Grot. 3. c. 20. §. 41.* multo minus exulibus perfugium denegandum est, *Hennig. ad Grot. d. l.* id quidem negat, imo amicitie repugnare dicit, si contra voluntatem Principis emigrantes ab alio, quo cum amicitie pax est, recipiantur, propterea quod non sit liberi Subditorum arbitrii, de civitate migrare. Verum quia præsuppositum illud, iuxta ea quæ in *tb. 2.* huius partis habentur, extra casum, ubi dolose fit renunciatio, vel singularis Reipubl. ratio illam prohibet, non procedit, ideoque asserto nostro parum contrariatur, necque aliud evincit, quam quod magnos costus, qui civitatis integram partem faciunt, recipere non liceat. *Vid. Grot. d. l.* Certum proinde erit, exulibus propter causam miserabilem patria sua pulsus domicilium & ius civitatis in alterius Status territorio merito concedendum esse, propterea, quod in casu contrario tales exules imperiali banno notatis, quibus nullibi certum domicilium habere licet, non absimiles essent, ac poenam absque culpa, contra jura manifesta paterentur, quippe quæ neminem sine delicto gravant. Hinc & subditus, propter religionem in Imperio permissam solum & domicilium mutans, in alterius Status Imperii, qui eidem religioni addictus est, territorio domicilium ac ius civitatis optime petere potest, idque, præter causam jam adductam, Christiana Charitas efflagitat, cum qui sunt ejusdem confessionis, confraternitatem quasi inter se habeant, ac coneives in Christo existant, quos ex civitate salva conscientia vix ullus excludere poterit. *Vid. Rumelin. ad A. B. p. 5. dissert. 2. q. ult. ibique Myser. in addit. Cran. de Pac. relig. p. 3. probl. 17.* Elegans hujus rei exemplum nostro seculo Christianis Principibus reliquit Gustavus Adolphus gloriose memorie, Suecorum Rex, qui multos domo profugos & religionis causa ex variis regionibus discedentes publico Edicto Regni sui sedes vacuas occupare jussit. *Godofr. Schulz. Chron. ad an. 1627.* Idem asserendum erit de Electore Saxonie Joh. Georg. I. piissimæ recordationis, qui exulibus propter Evangelium ejectis integra loca, inter quæ eminet *die Johann Georgen Stadt*, assignavit.

XVI.

Præterea exyles miserales utuntur beneficio *leg. un. C. quand. Imper.*

Imper. inter pupill. vid. & alias miserab. pers. &c. qua saluberrima constitutione Constantinus pupillis, viduis aliisque fortunæ injuria miserabilibus personis duplex privilegium indulgit: *Alterum*, quod ne quidem ex rescripto Principis cogantur extra provinciam comparere, quo pertinent illa inscriptionis verba: *ne exhibeantur*; ratio est, ne sumtibus ventur & periculis, quæ itinera comitari solent, exponantur; *Alium*, quod e diverso non modo ordinarium suum Judicem possint declinare, sed & adversarij causam per supplicationem à Judice competente ad Principis tribunal evocare, ita ut ille excipere non valeat de incompetencia fori, nec opponere beneficium primæ instantiæ. *Accurs. & Dd. in d. l. un. Marant. in spec. aur. p. 4. dist. 9. n. 194. Andr. Gail. l. 1. obs. 1. n. 40. ibique Grav. Consid. 1, n. 2. Herm. Vult. in d. l. un. Habet autem hoc privilegium eo præsertim casu locum, quo ipsi res est cum potentiore adversario, quem metuunt, & adversus quem facile jus suum coram judicibus inferioribus obtinere nequeunt. *Perez. ad d. t. n. 2. Dixi præsertim*, qua vocabula *Imper. in d. l. un.* innuere videtur, istas personas hoc beneficio uti posse, siue oppressionem sui metuant, siue non; hæc enim vocula includit etiam casum oppositum, ita ut sufficiat, eos opprimi posse. *Herm. Vult. in d. l. un. Carpz. lib. 2. Resp. Jur. Elect. 19. n. 3.* Concessum autem est hoc privilegium triplici personarum ordini: *Pupillis nimirum. Viduis & aliis miserabilibus personis.* De *pupillis* quidem res est expedita, cum Constantinus generaliter loquendo eos etiam comprehendat, qui defensores vel tutores habent, contra explanationem *Paul. de Castr. in rubr. d. t.* quæ tum ex verborum generalitate, tum etiam ex eo refellitur, quod pupillus semper habeat tutorem, qui ipsum defendat, nec unquam in judicio sine eo stare possit. Pupillis subnectit Imperator *Viduas*, quarum appellatione *Virgines*, quoque comprehendit, iisque privilegium hoc æque concessum esse contendit. *Azo in summ. C. qn. Imp. int. pupill. n. 5. &c.* pro qua sententia etiam facit textus in *l. malum 242. §. viduam. 3. ff. de V. S.* ubi Jctus Javolenus ex sententia Labeonis dicit, non eam solum modo esse viduam, quæ aliquando nupta fuisset, sed eam quoque mulierem, quæ virum non habuisset quæ est virgo. Videtur quidem Constantinum solis viduis proprie sic dictis, h. e. marito orbatis, privilegium hoc dedisse & sic sacris literis se con-*

formare voluisse, in quibus viduz & orphani Principum curæ toties tamq;
solicite commendantur & imprimis, ne à potentioribus contra jus oppri-
mantur; quemadmodum vero Sacer Codex orphanos parentibus orbos,
ita viduas orbas maritis intelligit, utpote quæ injuriæ hominum præ cate-
ris subjacent. *Herm. Vult. in d. l. un. Felin. in cap. significantibus n. 8.*
de offic. jud. deleg. Gail. l. 1. obs. 1. n. 43. Unde quoque visibile
esse videtur, in d. l. malum 242. de V. S. ex interpretatione magis, seu
notatione nominis, quam ex sermonis proprietate virginem dici viduam,
id quod ipse Jctus Javolenus non obscure innuere censetur. *Carpz. supr.*
alleg. loc. n. 8. & seq. Aliter tamen sentit *Perez. ad C. tit. qn. Imp.*
inter pupill. n. 3. privilegium hoc ex arbitrio Judicis virgini, tanquam
miserabili personæ, tribui posse asserens, quem etiam sequitur *Brunnem.*
ad d. l. un. Guid. Pap. dec. 566. n. 2. Grav. cit. loc. n. 11. Et recte qui-
dem, si modo parentibus orbata sit, etsi pubes, major vel dives fuerit; quia
& hic ratio locum habet, quæ in consilii inopia, imbecillitate sexus, & ma-
riti, à quo defendantur, sive privatione, sive carentia consistit. *Trentacinq.*
lib. 2. pract. resolut. tit. de Cit. resol. 2. n. 16. Vincent. de Franch.
decis. 100. & Hillig. ad Donell. lib. 17. c. 20. Denique & misera-
bilibus personis aliis hoc privilegium competit ex rubr. tit. quand.
Imp. inter pupill. & c. Vocat autem Imperator Constantinus misera-
biles personas eas, quæ ob fortunæ injuriam commiseratione dignæ sunt,
d. l. un. Quod cum infinitis modis fieri possit, plerique placuit, misera-
bilem statum probari ex qualitate personæ, id quod Judicis arbitrio relin-
quendum, ut censet *Bart. in d. l. un.* Hoc tamen non impedit, quo mi-
nus principales, qui hoc nomine post viduas & pupillos veniunt, deter-
minari queant. Sunt vero tales: Furiosi, cæci, muti, furdi, leprosi, aliove
laborantes morbo, qui hominem ad negotium quodcunque gerendum in-
habilem reddit, *l. morbus 113. ff. de V. S. l. 2. §. si quis judicio ff. si quis*
caut. l. quasitum 60. ff. de judic. item peregrini, advenæ, publice pœ-
nitentes, infantes expositi &c. Quibus nos addimus exules ex causa misera-
bili, quamdiu in exilio commorantur, tum quod non minus ac alii com-
miseratione digni sint, tum ob generalia Imperatoris verba in d. l. un.
ibi: aliique fortunæ injuria miserales. *Add. Azo in summ. d. l. n.*
6. Masc. de prob. vol. 3. conclus. 106. n. 5. 6. Menoch. l. 2. Arbitr.
jud.

jud. quæst. c. 66. n. 13. & seq. & Trentinæ. d. Resol. 2. n. 25 & seq.
ubi miserabiles personas latius recensent.

XVII.

Præter adducta beneficia, nostris exulibus hoc quoque solaminis loco cedit, quod illis non sit denegandum ministerium verbi divini, nec sacramentorum usus in Ecclesiis nostris, ad quas confugiunt, modo nobis in fide sint conformes; omnes enim sumus membra unius mystici corporis, ergo nobis invicem a limena denegare non debemus. *Baldwin. lib. 4. de cas. consc. c. 9. cas. 5.* Hinc ne quidem exules ex causa vituperabili tempore exilii in loco, ubi commorantur, sacra cœna privandi sunt, modo fidei sint conformes, seriamque agant poenitentiam, arg. eorum, quæ proponit *Dn. Carpz. l. 2. Jurispr. Consist. def. 279. & 291.* Quapropter, cum sub persecutione Hunerici Eugenio Episcopo mandato Regis injectum esset, ut non tantum ipse a publico docendi munere abstineret, sed & cujuscunque sexus homines. Vandalico habitu indutos, e templo expelleret, pius ille Vir apposite respondit: *Domus Dei omnibus patet, quis ingredi volentes inde exiget, ut ex Aut. Cent. Magdeb. refert Baldwinus l. 4. cas. consc. d. c. 9. & c.* Ex hac vero sacramenti perceptione patet, quod idem de sepultura, aliisque negotiis ecclesiasticis, quæ dilationem nullam patiuntur, dicendum sit. Si quis enim diutius in aliqua Parochia, licet ibi non constituerit domicilium, versetur, ea cumprimis, quæ usque ad reditum in propriam Parochiam differri nequeunt, ibidem peragenda sunt. *Dn. Struv. Syn. Jur. Civ. Ex. 9. th. 39.*

XVIII.

Denique hisce nostris Exulibus omnia illa concedenda sunt jura atque beneficia, quæ miserabilibus personis aliis competunt & passim recensentur. *vid. Card. Tusch. tom. 5. pract. concl. lit. M. concl. 274. ibiq; alleg. Rebuff. in tract. de sent. provis. Menoch. lib. 2. A. 7. 2. cent. 1. cas. 66. Manz. spec. sub miserab. Person.* Quod si enim Christianæ & naturalis pietati conveniens est, subvenire his, qui miseria quadam ætatis, sexus vel infirmitatis oppressi sunt, multo magis illis auxiliandum est, qui injuria superioris vel etiam propter dissensum in religione ita opprimuntur, ut patrios lares & avitas domus relinquere cogantur, quod triste sane & lugubre est. Hanc ob causam inter miserabiles personas expresse referuntur à *Pruckmann. & Mev. ad Jus Lubec. lib. 1. t. 2. art. 2. n. 22. quo-*

sum necessitati succurrendum potius est, quam ut ex calamitate eorum compendia quzerantur, *l. 1. C. de nanfr.* Si vero diutius in Provincia quada substant, vel civitatis jus impetrare, vel etiam opem pro communi securitate prestare debent. Moderna namque Germaniz consuetudo, post annum vel aliud quoddam definitum tempus, quo quis in civitate proprio foco usus est ac substitit, hospitii jus terminari & civem seu incolas fieri introduxit. *Gail. l. 2. obs. 35. n. 8.* Periculum quoque quod ex multitudine peregrinorum & advenarum civitati imminet, permittit, imo jubet, advenas cogere, ut si hospitii jure frui velint, nomina sua Magistratui profiteantur, fidemque, obsequium ut & opem pro communi securitate promittant, ac certam pecuniam, quam *germ. das Schutzheld* vocamus, solvant. *Vid. Mer. ad Jus Lub. lib. 1. s. 2. art. 2. n. 30.* Inno si domicilium constituant atque bona catastro inscripta possidere incipiant, oneribus consuetis atque juribus loci se subtrahere nequitiam poterunt, *l. 2. c. de mun. patrim. Gail. lib. 2. obs. 5. & seq. ibique Grav. in Conclus. n. 11. Anson. Gabriel lib. 6. Comm. conclus. tit. de Jur. immunit. concl. 2. Guid. Pap. dec. 7. per tot.*

XIX.

Atque hæc quidem *jura exulum miserabilium communia sunt.* *Singularia* vero exulum ob causam religionis patent ex Instrumento Pacis, inter quæ eminet, quod illi, qui nulla A 1624. parte publicum vel privatum religionis exercitium habuerunt, à Domino territorii ad emigrationem cogi possint. Illud namque vulgatum axioma, cujus est *Regio, ejus quoque Religio, juxta Instrum. Pac.* determinationem ita intelligi debet, ut subditi, cujuscunque generis sint, si diversæ religionis à Domino sive publicum sive privatum exercitium anno 1624 habuerint, illud etiam in posterum cum annexis juribus retineant, aut turbati in possessionem restituantur. *Instr. Pac. art. 5. §. Hoc tamen 30. & seq.* Neque ita stricte dies primus Januar. observatur, sed sufficit, subditos etiam aliqua dicti anni parte religionis diversæ exercitium à Domino habuisse. *Instr. Pac. d. art. 5. §. 30. & 33.* Unde constat, si modo ultimo die cit. anni diversam exercuerint religionem, illos in exercitio eique annexis juribus minime turbandos, aut perturbatos restituendos esse. Quod si vero dict. anno nec publicum nec privatum religionis exercitium habuerint, præter preces, si eisdem tolerantiam impetrare nequeant, nil nisi flebile exilii beneficium habent.

XX.

An vero hoc beneficium emigrationis *voluntatis*, an *necessitatis* sit, plus vice simplici disputatum est? Posterius asseruerunt Scriptores Catholici, quorum antesignani sunt autor Avtonomix p. 1. c. 8. & qui in ejus verba jurarunt, Dilligentes, Prius tamen cum Nostratibus communis Doctorum Schola affirmavit. *Vid. Gylm. Sympbor. 1. p. 1. tit. de relig. post vos. 12. in Consult. n. 31. p. m. 263. vos. 3. Limn. de Jur. Publ. 1. 1. c. 13. n. 61. & seq. Myler. in addit. ad Rumelin. in A. B. p. 3. differt. 2. q. 7.* ubi plures hanc in rem allegat Autores, quorum sententiæ suffragatur R. J. de av. 1555. §. Wo aber unsrer 24. in verb. an andere Orte ziehen und sich nieder thun wollen, quæ verbe liberam important voluntatem. Accedit, quod juxta *Instr. Pat. art. 5. §. placuit. 33.* subditi, qui anno 1624. nec publicum nec privatum religionis exercitium habuerunt, tolerari debeant, ut conscientia libera domi devotioni suæ vacare, & in vicinia publico religionis exercitio, quoties voluerint, interesse queant. Verum quamvis hæc ponderosa satis videantur, hodie tamen vigore *Instr. Pat.* emigratio necessaria facta est, sicque Recessum Imperii, ex quo voluntaria emigratio evinci potest, *Instrum. Pat.* tanquam lex posterior determinat, ut quandoque emigrationem necessariam admittat, juxta *art. 5. §. quod si vero 35. in verb. jussus fuerit. &c.* Nec obstat ejusd. *Instrum. Pat. art. 5. præcedens §. placuit 33.* quia juxta *Blum. in Pros. Camer. tit. 28. n. 44.* intelligi debet, non quasi Dominus territorialis nullo modo subditis, propter diversitatem religionis, emigrationem injungere possit, sed quod illi, quamdiu in territorio permanent, siue migratio nulla mandata fuerit, siue mandata quidem, sed terminus legis nondum effluerit, patienter sint ferendi, nec inquisitionibus,urbationibus aut similibus conscientiarum laqueis, v. g. compulsionem violenta ad religionem diversam amplectendam, constringendi. Add. eminentissimi Regiminis Altenburgensis Præses ac JCtus incomparabilis *Dn. Thom. in Coit. manuscr. ad Lampad. de Republ. Roman. Germ. p. 3. c. 11. ad §. 19.* Subditis, inquiens, qui ante annum 1624. religionem mutarunt, verba d. art. eignes Beliebens videntur liberum arbitrium relinquere (sc. emigrandi) sequentia autem: oder von &c. beſchlichtet werden iterum denegant: Nihil tamen (pergit ibidem) certi definiendum, cum ad proxima Comitum horum explicatio pertineat.

Neque tamen statim in Religione dissidentes ejiciendi sunt, quin potius terminus certus ad compositionem rei familiaris ipsis indulgendus est, quem ita determinavit *Instrum. Pac. cit. art. 5. §. conventum 36.* ut iis, qui dicto anno 1624. neque publicum neque privatum exercitium habuerunt, & tamen tempore Pacificationis in unius vel alterius Religionis Statuum immediatorum ditionibus habitare deprehenduntur, tertius non minor quinquennio, illis vero, qui post p. cem publicatam religionem mutant, non minor triennio, nisi tempus magis laxum & spatiosum impetrare potuerint, ad emigrandum præfigatur. Sicque emigrantibus permissum est, utrum bona sua distrahere, an iis retentis, ea per ministros administrare velint, quo casu libere & sine commeatus literis locum pristinae habitationis, quoties ratio id postulat, ad res suas inspiciendas aut persequendas lites vel debita exigenda adire possunt. *Instrum. Pac. art. 5. §. quod si vero subditus 35.* Si bona sua vendiderint, quomodo & quatenus ad g. bellæ præstationem teneantur, ex antecedentibus patet. Præterea ita emigrantibus neque nativitatis, manumissionis, noti opificii ac honestæ vitæ testimonia denegari, neque etiam iidem reversalibus inusitatis vel decimationibus plus æque extensis prægravari debent. Sed de adscriptitiis non incommode adhuc quæritur: utrum beneficium emigrationis ad eosdem, *auf die Leibeigne*, extendatur? Dilligenfes, conscientiarum carnificinam magis magisque promoturi, hoc denegant iis, qui juxta regionis consuetudinem à gleba & territorio Domini recedere non possunt. Affirmativa tamen sententia non tantum *ex sapientis citato Rec. Imper. de an. 1555. §. Wo aber unsere 24.* sed & præcipue ex *Instr. Pac. dict. art. 4. §. conventum 36.* ejusque verbis: *Multo minus spontaneam suscipientibus emigrationem, servitutis, aut ullo alio prætextu, impedimentum inferatur*, patet. Unde sua sponte fluit, quod beneficium emigrandi ad hos quoque porrigatur, quos Dominus, soluto prius manumissionis pretio, manumittere tenetur. *Besold. in Thesaur. Pract. sub voc. Leibeigen. Rumelin. ad A. B. p. 3. dissert. 2. q. 7. ibique Myler. in not.*

XXII.

Enarrata beneficia non omnibus ex religionis causa exulibus, sed iis tantum competunt, qui & religioni Pontificiæ & Augustanæ Confessio-

ni

ni addicti sunt. Sub Pace namque religiosa & Osnabrugensi Pacificatione illi solummodo continentur, cæteris sectis adhzrentibus exclusis per *Rec. Imp. de an. 1555. §. 2.* dech sollen 17. Annumerantur autem hodie iis, qui Augustanz Confessione nomen dederunt, & illi, qui Reformatam Religionem profitentur, ita quidem, ut quicquid juris aut beneficii tum Pax Religiosa, tum Imperii Constitutiones vel Catholicis vel Evangelicis tribuerunt, id etiam Reformatis competat. Quamvis enim Reformati nec sub Augustana Confessione, nec sub Protestantibus, nec etiam sub Pace Religiosa comprehensi fuerint, hodie tamen vi Pacis Monasteriensis, ejusque art. 7. Pax quoque Religiosa adeos extensa est, ita, ut juxta *Horn. in Orb. Polis. sub rubr. de Imper. Roman. Germ. axiom. 17. §. 2.* inter Protestantes & Reformatos nullum politicum supersit discrimen, salvis tamen Statuum Protestantium inter se & cum subditis suis initis pactis, reversalibus, privilegiis, aliisque dispositionibus, quibus de religione aut ejus exercitio cujuslibet loci Statibus ac subditis huc usque provisum, salvoque moderamine quoad Jus reformandi, *ind. art. 7. Pacif. Osnabr.* proposito. Extra has religiones juxta dispositionem *de art. 7. sub fin.* Sacrum Romano-Germanicum Imperium nullam aliam tolerat religionem, quare reliqui sectarii pro lubitu vel tolerari, si privatim solummodo errent, vel etiam, si dogmata sua pertinaciter retineant aliosve doceant, exilio plecti possunt, ut latius tradit *Dn. Carpz. p. 1. Prax. Crim. q. 44. n. 30. & seq.* Si jam hoc modo ejiciantur, inter exules ex causa vituperabili ejectos numerantur, deque eorum Juribus participant.

XXIII.

Illis denique, qui per bellicas calamitates à prædiis & possessionibus deiciuntur, solaminis loco hoc cedit, quod si ad vicinam urbem confugiant, nihil pro rebus convasatis vectigalis nomineolvere teneantur, etiamsi publicani amplissimam exigendi facultatem prætendant, *arg. l. 15 ff. de publ. & vectig. Mer. ad Jus Lubec l. 1. t. 2. art. 2. n. 25.* Nec etiam contributionibus atque collectis subjacent, *Gail. l. 2. observ. 52. n. 15. ibique Grav. in Concl. n. 14. Rosenthal. de feud. c. 5. concl. 8. n. 2.* Quin potius, si ob calamitates bellicas evitandas, non tamen animo transferendi domicilium, ad locum quendam confugerint, facta pace in patriam ut redire queant, certum terminum impetrare possunt, cujus rei gratia in *Instr. Pac. art. 5. §. conventum, 36.* quinquennium præsumitur

tum est. Denique hoc paratum habent præsidium, ut bello composito pristina bona recuperent, idque jure postliminii, quod in prioris status omniumque jurium ac rerum receptione consistit; adhibita tamen distinctione inter res mobiles & immobiles. De rebus mobilibus tenenda regula, eas postliminio non redire, sed in præda esse *l. 28. ff. de capt. & postlim. re. vers. ibique Dn. Brunnem.* Excipiebantur enim naves longæ atque onerariæ, propter belli usum, non voluptatis causa paratæ, item equi freni patientes, *l. 2. pr. & §. 1. ff. eod.* quod ideo placuisse gentibus videtur, ut recuperandi spes ad ea comparanda alacriores redderet homines; arma vero & vestes non restituebantur, *d. l. 2. §. 2. & l. 3. eod.* non quidem quod nullum in bello haberent usum, sed quia minime favorabiles erant, qui in bello arma aut vestem amiserunt, inumo id flagitii loco habebatur, ut passim ex historiis apparet, sed hæc differentia quoad res mobiles posterioribus temporibus sublata est, teste *Grot. de J. B. & P. lib. 3. c. 9. n. 15. & Hahn. ad Wassenb. de capt. & postlim. re. vers. n. 3.* Hodie namque tradunt passim morum periti, res mobiles regulariter postliminio non redire, nisi ab hostibus in fuga statim recuperatæ fuerint, tunc enim suis dominis illico restituendæ sunt, quia dominium nondum amiserunt. *Dn. Carpz. p. 4. c. 35. def. 9. Gros. d. l. n. 16.* Consentit Gloss. Juris Saxonicæ in *Weichbild, art. 2. ibi.* Was ich meinem rechten Feind nehme oder in einem rechten Kriege gewinne, das ist mein. Quapropter verissima est doctrina *Dn. Carpz. d. l. def. 8.* cum nimirum, qui in bello a militibus capta emit, priori domino haudquaquam sine pretii refusione ea restituere teneri, cum ablata ab hostibus vicissim redempta credantur, quo calu pretii refusio imponenda est, *l. 44. de acquir. rer. dom. & l. 6. ff. de capt. & postlim. re. vers.* & potest emptor experiri silem actione negotiorum gestorum, tanquam ex negotio utiliter gesto, adversus dominum, *per l. 1. ibique notata a DD. ff. de neg. gest. Menoch. l. 5. pres. 29. n. 26. & seq. Wissenb. ad Pand. part. 2. disp. 39. th. 23.* Hæc vero procedunt in militibus in expeditione & conflictu constitutis, non prædialiis, hi enim cum defensores nostri sint, neque nobis aliquid auferre, neque ablata & ab hostibus recuperata retinere debent, quare æquum est, ut bona etiam mobilia subditis erepta, atque a militibus nostris recuperata, ad veterem dominum redeant, *Grot. d. J. B. & P. l. 3. c. 9. n. 16.*
 Brunnen,

Brunnen. *ad l. 28. ff. de capt. & postlim. revers. ibique alleg. Covarruv*
 Quod res vero immobiles concernit, si publicæ fuerint, cedunt quidem
 Reipubl. victrici, sed si civium sunt, licet ab hoste occupatz, si modo recu-
 perentur & hostes expulsi fuerint, ad verteros Dominos revertuntur, per
 text. in *l. si captivus 20. §. 1. ff. de capt. & postlim. revers.* Idem obtinet in
 omni jure solo adhærente: Nam & loca capta, quæ religiosa vel sacra fue-
 runt, si ab hac calamitate liberentur, quasi quodam postliminio reversa,
 pristino statui restitui cum Pomponio in *d. l. 20.* assertit *Grot. d. l. §. 13.*
 Sic agros ex Gothis & Vandalis recuperatos, veterum possessorum hære-
 dibus reddiderunt Justinianus alique Imperatores, non admissis adversus
 dominos præscriptionibus illis, quas Romanæ L. L. induxerant, id quod
 contra præscriptionum principia ex æquitate eleganter admodum defen-
 dit *Dn. Zigler. in not. ad Grot. tic. c. 9. §. 13.*

XXIV.

Atque hæc de Exilio tam vituperabili quam miserabili, Exulumque
 ex hac causa juribus pro ingenii modulo dixisse sufficiant. Restat, ut pau-
 cis etiam de modis, quibus utrumque tollitur agamus, idque ex methodi
 nostræ ratione, suo quasi jure efflagitante, ut expositis iis, quæ ad constitu-
 tionem alicujus rei concurrunt, subjiciantur contraria, sive ea, quæ ad ejus
 rei imminutionem aut dissolutionem pertinent. Illud vero remedium,
 per quod exules vituperabiles, ut cæteri delinquentes pristinx fortunæ suæ,
 velut postliminio, restituantur, est *restitutio gratiæ*, dependens ex Jure
 Aggratiandi, ceu vulgo vocant, quod de Jure Civili summo Principi, *l. 4.*
ff. de pan. hodie vero illis solummodo competit, qui summam in Republ.
 habent potestatem, vel Superioritatem territorialem. *Petr. Heig. p. 2. q.*
22. n. 6. Carpz. p. 3. Prax. Crim. q. 150. n. 8. & seq. Neque tamen in-
 distincte hoc jus exercere possunt, sed tum demum, si delinquentibus pœ-
 na Jure divino statuta non sit. Quando enim criminum reos Jus divi-
 num morte puniri jubet, ne quidem summus Princeps, aut alius quivis Su-
 perior mortis supplicium remittere potest. *Farinac. in prax. Crim. l. 1.*
t. 1. c. 6. Petr. Theodor. in Colleg. crim. cap. 10. apb. 7. lit. b. Carpz. in Pr.
Crim. q. 150. Dan. Class. de Jur. Aggrat. add. R. J. Spirens. de an. 1526.
§. und viemulc. Est vero hæc restitutio vel *simplex & generalis*, vel
plenissima & in integrum. Per illam pœnæ remissio tantum fit, *l. 2. C. de*
sent. pass. sive uti in l. 7. C. cod. habetur, patria & redditus exulibus s. depor-
 tatis tribuitur, adeo, ut conveniri possit restitutus, *l. 2. & 3. ff. cod. non ta-*
men ab infamia liberatus censetur, l. 2. & 4. C. d. t. Hæc vero operatur

H

redin-

redintegrationem prioris status omniumque jurium & bonorum, perinde ac si ablata non fuissent, *l. 1. l. 2. & 6. C. d. r. l. 3. ff. eod.* & hoc ipsum est, quod Imperator Constantinus innuit in *l. f. §. 4. C. eod.* inquiens: *Tantum ad restitutionem indulgentia valet, quantum ademptionem valuit sententia*; Et hinc nullum dubium, quin exules vituperabiles omnia jura civilia, quorum per ejectionem jacturam fecerunt, impetrata hac restitutione, recuperent. Sic testamentum de portatione irritum, mediante restitutione convalescere communis Dd. est sententia, quandoquidem illa loco postliminii est, quod facit testamentum captivi vires suas recipere, perinde ac si captus non fuisset testator, *l. 12. ff. de capt. & postlim. revers.* Immo vero filius, patre restituto, in patriam reincident potestatem, qua per deportationem exinebatur. §. 1. *quib. mod. jus patr. pot. solv.* ita ut extinguitur tutela impuberum liberorum, cum tutela non sit nisi eorum, qui sui juris sunt. Intermedio tamen tempore gesta per filium, qui paterfamilias fuit *l. ult. C. de sent. pass. & restit.* rata sunt. Non tamen *ex h. l. ult.* cum Baldo aliisque colligendum est, testamentum a filio interim conditum valere, sed potius illud concidere dicendum, quod res in eum statum devenierit, à quo inchoari nequit, cum filius nunc inveniat alieni juris & testamentum videatur factum super rebus alienis. Non obstant verba generalia *de l. ult.* omnia sc. per filium majorem 25. ann. interea gesta rata esse; nam accipienda sunt de contractibus, ut indicat verbum gestum, secundum *l. 20. de V. S.* non de iis, quæ plenam perfectionem nondum consecuta sunt, v. g. de testamento, quod vires accipit à morte disponentis. *l. 4. ff. de ademt. leg. ibique Salicet.* Quod si vero filius mortuus fuerit ante restitutionem patris, testamentum ejus manere firmum, quasi legitime conditum, plerique volunt, ex ea ratione, quod non devenit in casum, à quo inchoari non potest, sicque jus hæredibus institutis per mortem testatoris fuerit quæsitum. *Gloss. ad l. f. C. de sent. pass. & restit. in pr.* Putant tamen nonnulli hujusmodi bona hæredibus scriptis auferri posse propter restitutionem patris, quia videlicet causa deportationis, ob quam bona ad eos pervenerunt, redacta est ad non causam. Facit huc *auth. Idem est C. de Heret. & Manich.* ubi liberi hæretici exhæredati, si revertantur ad fidem, non rescindunt quidem testamentum paternum, quia legitime factum, orthodoxis tamen fratribus partem auferunt. *Zaf. ad ff. iii. de sent. pass. & rest. & Perez. ad C. eod. tit. n. 11.*

XXV.

Neque vero jura pristina tantum, sed & bona omnia amissa & in Fiscum

scum redacta Exules, vi hujus restitutionis plenariæ repetunt, *arg. l. 1. C. de sent. pass. & restit.* Utrum vero ea etiam recuperent, quæ Fiscus alienavit in tertium, non convenit inter Dd. Quidam enim pro affirmativa pugnant, quos inter est *Meier. in Coll. Argent. ad d. tit. §. 3. & alii.* E-
nimvero negativa videtur verior, tum per tradita *Rosenb. de feud. c. 10. concl. 38. n. 86. Wesenb. ad tit. ff. de sent. pass. & restit. ibique Bachov. & Dn. Hahn Anton. Gomez. Vol. 3. Resol. c. 13. n. 39.* tum etiam, quia bene-
ficia Principis non sunt in præjudicium tertii detorquenda *l. 2. §. 16. ne quid. in loc. publ. Jul. Clar. lib. 5. Sent. §. fin. quest. 59. n. 6.* nec Princeps censetur rescripto suo adimere velle jus alteri quæsitum, quod ne quidem ex plenitudine potestatis auferre potest, *arg. l. 2. de his qui sui vel alien. jur. sunt.* Aliter se res habet in restituto ex iustitia, (v. g. si bannitus post latam sententiam offerat probationem innocentiz, eamque postea probet, ita, ut absolvatur juxta *text. in l. 1. §. ff. de question.*) hic enim tanquam innocens bona etiam alienata, & jura alteri quæsitâ recuperat, *Vid. Wesenb. ibique Dn. Hahn. ad tit. de sent. pass. & rest. n. 2. Brunn. ad C. cod.* Quod vero de bonis alienatis diximus, etiam de bonorum non alienatorum fructibus, medio tempore perceptis, intelligendum est, nisi & specia-
liter Princeps bona cum fructibus perceptis restituere jusserit, *Wissenb. p. 2. disp. th. 29. arg. l. 1. §. 2. & 4. C. d. t.* Fructus vero extantes omnino consequitur ex gratia plenarie restitutus, competente ad hoc imploratione officii Judicis. *Eckolt. ad Pand. ad d. t. de sent. pass. & restit. §. 2.*

XXVI.

Porro remissio hæc pœnz, sive restitutio, iterum est *vel expressa, vel tacita.* De illa prolixius in th. præcedentibus actum est. Hæc moribus recepta est & contingit, si nova Nupta Principis in ipsius aulam solenniter inducatur, tunc enim quandoque currui inhærentes, sine perjurii noxa, securitatem merentur, quibus intercessu Principis novæ nuptæ, quatenus ob delicti qualitatem fieri potest, gratia conceditur. Princeps enim potest in honorem domus suæ, vel ob lætitiâ publicam aut ratione novi adventus, vel ob partam victoriâ, famæ restituere bannitos, vel in exilium missos, nec non pœnas delictorum remittere, *Knich. de jur. territ. c. 3. n. 457.* Diximus: *quatenus ob delicti qualitatem fieri potest:* In enormibus enim admis-
sis, ut in homicidio dolo, cæterisque mali exempli rebus, tantum abest, ut hæc remissio locum habeat, ut potius ita ingredienti-
bus civitatem iterum cogantur solum vertere. *Knich. cit. l.* Porro exilium vituperabile extinguitur, si temporarium fuerit, tunc enim præterlapso tempore

definito ipsum quoque exilium expirat. Sed *an hoc in casu infamia duret*, non exigui momenti quaestio est? Affirmativam sententiam l. 6. C. ex quib. caus. infam. irrog. § l. 15. ff. ad Municip. Negativam vero l. 3. § 4 C. ex quib. caus. infam. l. 8. ff. de postul. l. 5. ff. de decur. suadere videntur. Conciliationes vid. penes Anton. Matth. ad l. 48. ff. tit. 19. c. 1. n. 6. Hil- lig. ad Donell. lib. 18. c. 8. lit. A. Cujac. lib. 7. obs. 9. Wesenb. ad tit. de his qui not. infam. n. 8. Meier. in Coll. Argent. ad tit. de his qui not. infam. th. 34. Wissenb. ad ff. cod. tit. n. 22. Dn. Struv. EX. 7. th. 23.

XXVII.

Exilium miserabile tollitur, si ejecto vel facultas redeundi à Superiori concedatur, vel etiam liberum religionis exercitium permittatur, quod quilibet, cui Jurisdictio territorialis competit in suo territorio illaesa conscientia introducere potest, dummodo talis sit religio, quæ in Imperio nostro toleratur. vid. instr. Pac. art. 7. sub fin. Denique etiam exilium eorum, qui propter belli calamitatem expulsi sunt, finitur, si vel per victorem, vel etiam per pristinum Dominum ad inhabitationem & culturam agrorum revocentur, quales citationes post compositum bellum tricennale Germanicum hinc inde prodierunt, præcipue in concursu Creditorum, ut noteria hucusque confirmavit Praxis. Sed ne dissertatio nostra speciminis Academici mensuram egrediatur, pedem hic figimus, Deoque T. O. M. pro benignissima Spiritus Sancti gratia devotas agimus gratias. Abs Te vero, L. B. maximopere contendimus, ut tenuem hunc

borem æqui bonique consulas, & si qui errores præter voluntatem irreperierint, illos pro modestia tua emendare non dedigneris.

Sedibus expulsus patriis nunc pauper oberrat
Exul, qui Martis fulmina dira fugit.

Solamen lachrymis querit, meliora precamur

Fata, Tuus lenit pectora mæsta labor.

Egregium factum, quod lausque honosque manebunt,

Pro studio ipsa Themis præmia larga dabit.

Suo hætenus Consalino & Auditori suavissimo, Nobil. Dn. Drehero, Jur. Cult. egregio, prolixissimum affectum, quem ipsi debet, publice hinc pollicetur, utque via virtutis ad gloriam, sicque etiam ad celeberrimi Domini Parentis famam grassetur, animitus exoptat

Heinricus Lind, D. & Præses.

